

CONSTITVTIONES

COLLEGII SANCTÆ CRVCIS
Oppidi Vallisoletani quod construxit, & à solo
erexit Petrus de Mendoça, magnus quondam
Hispaniarum Cardinalis, Archiepiscopus
Toletanus, Episcopus Seguntinus, &
Abbas Collegiatæ Ecclesiæ
eiusdem oppidi Val-
lisoleti.



Vallisoleti.

Apud Andræam de Merchan Typographum,
Anno Domini M. DCII I.



CONSTITUTIONES

COLLEGI SANCTE CRUCIS
 Oppidi Vallisletani quod constituitur & a solo
 crexit Petrus de Mendocis, magnus quondam
 Hispaniarum Cardinalis, Archiepiscopus
 Tolanus, Episcopus Seguntinus &
 Abbas Collegii Ecclesie
 eiusdem oppidi Val-
 lisletani.



Vallisletani.

Apud Andream de Merchan Typographum
 Anno Domini M. DC. III.



LET RVS DE MENDOZA
 miseratione diuina tituli sanctæ
 Crucis in Hierusalem sacrosan-
 ctæ Romanæ Ecclesiæ presbyter
 Cardinalis Hispaniæ, ac Tolera-
 næ Ecclesiæ Archiepiscopus, His-
 paniarum Primas, & regnerū Ca-
 stellæ, maior Cancellarius, Episco-
 pus Seguntinus, Abbas Collegia-

lis Ecclesiæ oppidi Valleolit. ¶ Vniuersis Collegialibus Col-
 legij sanctæ Crucis Vallisoletanæ Salutem. Cum luce clarius
 compertum habeamus, nihil in rebus humanis diuturnum es-
 se, aut diutius conseruari posse, his profecto, quibus ratio
 diuina præest, quæ proculdubio sempiterna fore iudicamus
 libenter studemus: id tantum æternum, & immortale futu-
 rum censes, quod à diuina gratia sit profectum, ob idq;
 prompto animo, cogitationes & actiones nostras omnes in
 Deum optimum, maximum, qui inceptis nostris aspirare refe-
 rimus, Cupientes igitur terrena felici cōmerto in celsa
 commutare, & pro huius vitæ breuitate monumentum æ-
 re perennius, quod nulla possit vetustate deleri, nobis in
 æterna collocare gloria, sæpe numero nobiscum versati su-
 mus; quid tanto benefactori pro beneficijs, & honoribus,
 quibus ab eo in hoc seculo honorati sumus inter alia præci-
 pium oblaturi essemus. Cumq; per multa egregia occurrēt,
 deq; principatu inter se certarent, litterarum scientiam, &
 studium bonarum artium quo præclarius est nihil, cæteris
 ante posuimus, nihil enim æque morabile, aut Deo gratum
 similique fore existimamus, quam ipsi sapientiæ, qui Deus
 est, proprius accedere, in eo ipso homines hominibus præ-
 stare, in quo homines cæteris hominibus præstamus, id cir-
 co ad laudem & gloriam omnipotentis Dei, & beatissimæ
 virginis eius matris, & communem omnium vtilitatem, &
 eorum præcipue, qui licet ingenio præditi, & bonarum
 artium studiosi sint, ob inopiam tamen, & tenues facultates
 literis incumbere nequeunt, quando aut facile emergunt,
 quorum virtutibus obstat res angusta domi, istud nostrum
 Collegium, hoc est, asilum pauperum scholarum in ipso no-

Constitutiones.

abili oppido Valisoletano prope dictam nostram Ecclesiam maiorem ex solo ereximus, & edificauimus, & sub inuocatione sanctæ Crucis, qui titulus nostri Cardinalatus existit, decorauimus, quod cum iam pœnæ absolutum Collegialibusque, & alijs ministris habitatum cernamus, non minus illud ad perpetuam eius conseruationem diuinis, & humanis legibus, & statutis muniendum putauimus, quam redditibus edificijs, libris, & alijs ornamentis, & bonis ad vitam & sustentationem Collegialium ibi degentium muniuerimus. Itaque posteritati prospicientes ne ipsum Collegium diuturnitate temporis corruat: ita enim natura comparatū, ut nihil vnquam eodem statu permansurum sit, sed illico regressurum, quod non progrediatur, habita a sede Apostolica speciali facultate, qua præcipue muniti sumus constitutiones inferius scriptas in ipso nostro Collegio per vos omnes præsentis, & futuros ibidem pro tempore cōmorantes perpetuo teneri, & inuiolabiliter obseruari decernimus, & ordinamus. Suscipiat ergo vniuersitas vestra amantissimi Collegiales has nostras constitutiones eisq; in Collegio ad rationem vitæ melioris componendam vtatur, quod si vti cupimus, & speramus, sponte amplectimini, facile fiet, ut & nos apud immortalem Dominum voti nostri honestissimi compotes efficiamur, & vos vestriq; posterius apud Deū, & homines non mediocrem fructum laborum vestrorum cōsequamini.

De numero Collegialium. Constitutio prima.

S T A T V I M V S & ordinamus, quod in dicto nostro Collegio habitent septem & viginti studentes, quorum sex dent operam sacre Theologiæ, tres dicim iure canonico, quorū vnus sit stationari⁹, qui curā bibliothecæ habeat. Alijs vero officijs omnino sit immunis, nec Rector, nec Consiliarius eligi possit, tres iuri Ciuili, duo autem medicinæ. Reliqui vero tres sint presbyteri, & capellani dicti Collegij, qui Theologi, aut Canonistæ sint: siue vnus

Theologus, & duo Canonistæ, siue vnus Canonista, & duo Theologi. Quorum autem prout sorte euenerit, Missam in Capella Collegij quotidie celebret, & rerum sacrarum curam gerat. Qui quidem Capellani in omnibus veri Collegiales existant, propter reuerentiam tamen, & occupationē diuini cultus, cui assiduæ operam daturi sunt, officijs Collegij se non intromittant, conclusiones tamen, vt moris est sustentare possint, si velint, sin autem non compellantur, electionibus vero tam Collegialium, quam familiarium cum cæteris interueniant, verum quia vbi non est caput, nullus ordo, nec sine gubernatore societas consistere potest. Volumus & statuimus ex dictorum septem & viginti numero: vnus Rector & caput omnium existat, & tres consiliarij eligantur: quorum consilio, industria, & diligentia Rector in administratione Collegij vtatur.

Ex qua natione futuri sunt Collegiales.

Secunda.

¶ I T E M ordinamus, & statuimus, quod futuri studentes in dicto nostro Collegio originem trahant ex Regnis Castellæ, & Legionis, & sin probatæ vitæ, scientiæque idonei reperiantur. Volumus, quod de quolibet aliorum regnorum siue nationum exterarum admitti possit vnus modo idoneus repertus sit, & ad instar eorum, qui ex dictis regno Castellæ & Legionis eligendi fuerint, quod si contentio inde orta fuerit, maior pars eligetium valeat, ita quod maior pars intelligatur habito respectu ad numerum eligentium, & non ad totum Collegium. Si autem paria fuerint suffragia naturalis horum regnorum præferatur.

Qui recipiendi sunt in Collegio. iij.

¶ I T E M cum nostræ intentionis fuerit paupertati scholarium consulere. Volumus, & ordinamus, quod futuri scholares in dicto Collegio tanta paupertate afficiantur, quod

Constitutiones.

de patrimonio, aut de Ecclesiastico beneficio, aut simul de utroque summam viginti & quinque florenorum auri de Aragonia monetæ currentis annuatim in redditibus non excedant præterquam si ex cathedra studij, vel alia lectura aliquid ultra summam prædictam perciperent, & si scholares, vel eorum parentes tantis opibus abundent, vt verisimiliter considerari possit, ipsum ex eius, vel parentum redditibus sufficienter in studio sustentari posse ipsum nostrum Collegium tali scholari non pateat, super quo iuramento, & conscientie omnium Collegialium de præmissis informationem habentium stare debere censemus.

Iuramentum Collegialis si habet redditus. iij.

¶ I T E M statuimus, quod quando aliquis Collegialis electus sit, antequam admittatur, iuramentum præstet se non habere in redditibus ex beneficio, seu patrimonio, vel simul ex utroque prædictam summam viginti & quinque florenorum, & si tempore, quo in dicto nostro Collegio futurus, est ultra dictam summam sibi accessio fieret, Rectori, Consiliarijs, & omnibus Collegialibus infra triduum, postquam ad eius notitiam peruenerit, manifestauit, quod si ultra dictam summam repertus fuerit habere, ipso iure teneatur ad restitutionem Collegio faciendam.

Quod ex Valleleto nullus Collegialis. vi.

¶ I T E M ad evitanda scandala, & incommoda, quæ inde oriri possent. Volumus, & ordinamus, quod nullus ex oppido Vallisoletano ortus ex quatuor leugis in circuito Collegialis dicti nostri Collegij existat.

De ætate Collegialis. & familiaris. vi.

¶ I T E M

¶ I T E M, Quia rebus serijs maturitas ætatis eū requirenda, statumus, & ordinamus, quod Scholāris non agens vigesimum primum annum completum, in Collegialem dicti nostri Collegij non recipiatur. Familiaris vero decimum septimum compleat annum, antequā in Collegio valeat admitti.

Quot ex ciuitate vel diocesi sint Collegiales. v. j.

¶ I T E M statuimus & ordinamus, quod ex ciuitate vna, & loco vnus: ex vna autem diocesi duo tantum, excepta diocesi Toletana, ex qua volumus, vt tres Collegiales simul in dicto nostro Collegio recipiātur, attento quod locus, in quo aliquis ortus fuerit, a loco originis alterius, quatuor leucis saltem distet.

Quod Collegiales intra quartum non sint coniuncti. viij.

¶ I T E M mandamus, & expresse prohibemus, quod consanguinei, aut aliqua afinitate coniuncti intra quartum gradum in Collegiales simul admitti non possint.

Qui semel fuit Collegialis denuo non admittatur. ix.

¶ I T E M decernimus, & expresse prohibemus, quod qui semel Collegialis extiterit denuo ad Collegium non admittatur.

De coniugatis. x.

¶ I T E M, Quod nullus coniugatus, vel desponsatus per verba de præsenti in dicto Collegio esse possit, & si aliquis coniugatus, vel desponsatus per verba de præsenti fuerit receptus, sit priuatus ipso iure præbenda Collegij, & si fuerit occultum nihilominus teneatur ad restitutionem expensarū illius temporis.

Constitutiones.

Quibus artibus præditos decet esse Collegiales, & de forma opponendi. xj.

¶ I T E M volumus, & statuimus, quod admittendi in collegio si Theologiæ operam dare voluerint. Bachalarij sint in ipsa Theologia, vel saltem in artibus, & per triennium ante bachalariatum in artibus, vel post Theologiæ vacauerint. Qui vero iuri Canonico, vel Ciuili, in altero ipsorum iurium Bachalarius existat, vel saltem per quadriennium in ea facultate studuerit. Qui vero medicinæ, Bachalarius in medicina, vel saltem Bachalarius in artibus, & per triennium ante, vel post bachalariatam in facultate medicine operam dederit, nisi alicuius in dictis facultatibus sufficientia, & idoneitas per suffragia omnium Collegialium nemine discrepante nota fuerit. Theologus vero librū sententiarum. Canonista Decretales. Legista Codicem. Medicus vero Auicenam, seu artem hipocratis saltem habere teneatur. Quodque admittendus intra tempus vacationis opponere Rectori se presentare debeat, & de inde omnibus collegialibus simul, vel separatim oppositionem suam notificare.

De vaccatura præbenda. xij.

¶ I T E N quod a tempore vacationis alicuius præbende Rector intra quinque dies denunciaret præbendam vacare, & ad Salmanticam mittat nuntium, qui in scholis maioribus edictum præbendam vacantem declarans in ipsis ianuis affigat, & a tempore denuntiationis infra viginti dies volentes ad talem præbendam se opponant, & infra alios decem fiat electio precedentibus saltem duobus tractatibus super moribus, & alijs requirendis in nostris constitutionibus. Ita quod vaccatio ultra mensem non extendatur, præterquam si visum fuerit omnibus Collegialibus, vel saltē duabus partibus eorum ternario numero diuidendis, super quod consciētias eorum oneramus, & si Rector fuerit negligens quilibet consiliarios, & illis negligentibus quilibet Collegialium hoc successiue facere teneatur.

Quod nullus Collegialium votum suum

alicui committere possit. xiiij.

¶ **IN SUPER** Statuimus, ne quispiam Collegialium si tempore electionis absens fuerit, possit votum suum alteri committere, nisi tempore oppositionis iam elapso.

Quod nullus favore alicuius aditum habere possit in Collegio. xiiij.

¶ **ITEM** Statuimus, ordinamus, quod nullus scholaris gratia, vel precibus, aut cuiuspiam intercessionem, vel favore, in collegialium, quam aliorum exterorum in ipso collegio admittatur, sed habita tantum ratione ad Deum qui non estceptor personarum. Quod si aliquis precibus gratia, aut favore in Collegium aditum habere contēderit: ipso facto la vice duntaxat sit inhabilis ad dictum Collegium consequendum, idem etiam in admittendis familiaribus dicti Collegij observari, volumus, & censemus. Hoc insuper prohiberes, quod nullus Collegialium possit aliquem admittendum certiore efficere, quod illi ad suum introitum in Collegiū votum præstabit, aut denegabit. Quod si secus fecerit, arbitrio Rectoris puniatur.

De forma electionis Collegialium, & iuramentum super ea præstando. xv.

¶ **ITEM** volumus & statuimus, quod in primis audita Missa Spiritu sancti omnes Collegiales simul iuramentum præstent, se neminem, nisi bonis moribus, & virtute prædictum doctrinæque aptum, nullo alio habito respectu, vel affectu admissurus, quo sit præstito, omnes Collegiales suffragia sua secrete in scriptis tradant, quibus collectis, si contingerit vota eligentium ad duos, vel plures exendi: ille, cui maior pars suffragata fuerit, sit Collegialis, si paria fuerint suffragia, Collegialis euadat, cui Rector, & Consiliarij, vel Rector cum altero consiliariorum adhæserit. Si tamen tres

Constitutiones.

consiliari adhaerint, ille, cui sua vota suffragauerint, collegialis euadat. Caterum, quia ex mutuo collegialium colloquio nonnulla incommoda oriuntur electionibus, propter quod huiusmodi electiones indebite praeter ius, & equum celebrantur. Nos volentes huiusmodi dispendio remedio obuiari praesentis constitutionis tenore. Statuimus, & ordinamus, quod nullus collegialium in electionibus tractandis, vel faciendis quempiam alium precibus, subornationibus, vel alio quouis quaesito colore ad praestandum suffragium, seu votum, alicui opponenti inducat: nec super huiusmodi suffragio praestito, vel praestando collegiali, vel oppositori, aut uicunque alteri personae votum suum aperiet, siue referet. Quod si quisquam huic nostrae constitutioni contrauerit, intentionem excommunicationis incurrat, & ipso facto temporone collegij cum vestibibus, & distributionibus per unum annum priuatus existat, ita quod deinceps quicquid ex ipso collegio, vel prebenda perceperit, restitutione subiaceat, & in super volumus hanc nostram constitutionem ligare, & locum habere in foro conscientie, & hanc nostram constitutionem ad electionem Rectoris in dicto collegio faciendam extendi volumus, & mandamus.

Quomodo, & quæ iuraturus sit

Collegiales. xvj.

¶ Ita mandamus & ordinamus, quod Collegialis in Collegio admissus iuramentum prester omnibus presentibus, quod suo Rectori in omnibus licitis, & honestis parebit, honorem, commodum, libertatem, & preheminentias collegij tempore, quo in eo permanserit, & quo ad vitam ei comes fuerit, pro viribus procurabit, ac defendet, & si quid sibi iniunctum fuerit, aut demandatum, minime recusabit, sed sine Rectore, siue consiliariis, siue procurator electus fuerit, aut orator, siue nuntius ad Romanam, siue Regias Curias, aut quouis alio destinatus fuerit, quantum in eo fuerit executurum. Constitutiones nostras, prout in eis continentur, obseruaturum nec alias iis nostris contrarias, vel derogatorias, aut huiusmodi intentiones

ni alias procuratorum, nec absolutionem, siue relaxationem huiusmodi iuramenti petiturum, procuraturum, aut acceptaturum, quod quidem iuramentum in forma, ut premissum est, praestitum in communi protocollo cum subscriptione trium Collegialium inscribatur, & in arca Collegij ad perpetuam rei memoriam reponatur.

Tempus quo Collegiales in Collegio commoraturi sunt. xvij.

¶ I T E M volumus, & ordinamus, quod Collegiales praedicti in dicto nostro Collegio octo annos continuos ab initio sui ingressus computandos morentur, in quibus connumeretur tempus, quo absentes fuerint ab ipso Collegio, verum si quispiam Collegialium pro negotiis Collegij expediendis quocumque extra oppidum Vallis oletanum missus fuerit, totum id tempus, quo abfuerit, non computetur in praedictis octo annis, & ne in hoc fraus, & dolus interuenire possit, volumus quod tempus absentiae, & locus, quo scholaris pro negotiis Collegij abfuerit, & causa quare id factum est nomine proprio Rectoris pro tempore existentis subscribatur. Aliter vero huiusmodi absentia, pro non absentia habeatur. Quo quidem tempore finito Collegiales in nomine Domini a Collegio expediti censeantur. Quorum loco alij, ut praemittitur, sufficiantur, permittimus tamen quod si Capellani Collegiales ita probatae vitae, & integritate reperi fuerint, quod maxime utilitati, & decori Collegij futuri sunt. Liceat Rectori, & Collegialibus, vel maiori partem eorum cum ipsis Capellanis, vel eorum altero dispensare, ut ultra tempus praedictorum octo annorum tandiu, quandiu eis videbitur in Collegio possint morari, proviso, quod tempus aliorum octo annorum non excedat.

Quod si quis ultimo anno exitus electus fuerit in Rectorem, vel Consiliarium officium exerceat.

xvij.

Constitutiones.

¶ I T E M volumus, & mandamus, quod si cōtingerit Collegialem anno vltimo sui exitus á Collegio in Rectorem, siue consiliarium eligi, in ipso Collegio permaneat vsque ad finem anni, quo electus fuerit, etiam si parum temporis ad finem sui temporis relictum esset, & ipso anno sui officij finito, & ratione eius redita á Collegio absolutus existat.

De forma electionis Rectoris, & Consiliariorum. xix.

¶ I T E M volumus, & mandamus, quod in electione Rectoris, & Consiliariorum ipsius Collegij tale temperamentum adhibeatur. Rector, & Cōsiliarij, & ceteri Collegiales in capella congregati audita prius Missa Spiritus sancti ad electionē procedentes ad sacra Dei Euangelia præstabunt iuramentum, quod omni gratia, odio, vel fauore, aut maleuolentia, prætermisissis, quatuor, quos sufficientiores, & utiliores regimini, & gubernationi Collegij cognouerint, eligent, quorum nomina ab omnibus Collegialibus, vel maiori parte publicæ electa in scriptis accipiantur. Inter quos quatuor sorte dirimatur, quis eorū futurus sit Rector. Quorum vno in Rectorem electo. Reliqui tres Consiliarij dicti Collegij, absque alia discussione remaneant. Volumus tamen, quod duo nouissimi in Collegio intrātes, scilicet, portionarius, & ianitor cum reliquis non fortiantur ad huiusmodi officia obtinenda.

De tempore electionis Rectoris, & Consiliariorum. xx.

¶ I T E M volumus, & statuimus, quod electio Rectoris, & consiliariorum fiat in die sancti Michaelis mensis Septembris, ita quod omnes Collegiales eo die sint presentes, alia qui tunc absens fuerit, veste, & insignis Collegij eo anno crearet nisi de mandato Collegij absens fuerit, vel graui infirmitate detentus, vel captura sine sua culpa.

Quod vnus eligatur præceptor nouorum Collegialium, qui Constitutiones obseruari, & legi faciat. xxj.

¶ ITEM Cum nemo assumi debeat in magistrum, qui formam discipuli non assumpsit. Volumus & mandamus, quod inter Collegiales vnus eligatur, quem ad id sufficientiorem cognouerint, qui Collegialium nouiter receptorum præceptor existat, eosque in vita, & moribus instruat, & has nostras constitutiones obseruare doceat, & interpretetur, qui etiam earum obseruandarum, & debito tempore eligendarum curam habeat.

Qui modus est adhibendus si Rector aliquid iniuste mandauerit. xxij.

¶ ITEM Volumus & mandamus, quod omnes Collegiales suo Rectori in omnibus, quæ eis, vel aliqui eorum iniunxerint, pareant, nec onus, aut pœnam impositam quoquo modo recusent, excepto si eos, vel quempiam eorum à Collegio eiicere, aut per mensem à victu Collegij priuare voluisset, tunc damus ipsis Collegialibus, & eorum cuilibet ad Consiliarios recursum, qui re intellecta, si viderint Rectorem iniuste, & inique in aliquem processisse, ei denuntiabunt, qui illico sub pœna præstiti iuramenti illud reuocare teneatur, si tamen Consiliarij, vel duo ex eis in hoc minime concordēs fuerint, factum Rectoris siue iniunctum nequaquam improbetur.

**Quid iuraturi sunt Rector & Consiliarij.
Et de conueniendis coram Rectore Collegialibus. xxij.**

¶ ITEM Statuimus, & ordinamus, quod Rector, & Con-

Constitutiones.

siliarij postquam electi, & recepti fuerint in praesentia omnium Collegialium ad sacra Dei Evangelio corporale praestent iuramentum, quod recte, & fideliter omnia iura, bona, & commoda ab ipsum Collegium pertinentia iuxta nostras constitutiones seruabunt, custodient, & maxima cum diligentia gubernabunt, forma autem iuramenti nominibus quatuor Collegialiū sit subscripta, & in quodā registro huiusmodi iuramentis deputato cōseruata, in quo registro huiusmodi iuramenta annuatim describantur. ¶ Volumus praeterea, quod nullus ipsorum Collegialium audeat quempiam eorum conuenire, nisi coram Rectore, a quo non liceat appellare, nisi ad ipsos Consiliarios. Quibus mādamus sub poena praestiti iuramenti, ut habita verbo tantum casus relatione sine scriptis omni postposita malitia, siue dilatione causam terminare studeant, atque procurēt, quod si aliquis ipsorum Collegialium, vel seruitorum dicti Collegij, ex quacunque causa quantumcunque legitima, vel rationabilis, secus fecerit, eo ipso, & poenam praestiti iuramenti incurrat, & a Collegio priuatus existat.

Quod Rector, & consiliarij ad annum tantum eligantur. xxiiij.

¶ ITEM Volumus, quod Rector, & Consiliarij non possint, nisi ad annum tantum elegi, quo finito ipse Rector usque ad duos saltem annos in Rectorem, & ad vnum in Consiliariū eligi non possit. Consiliarij autem usque ad annū, nec ad officium Rectoris aut Consiliarij eligi debeant. Volumus praeterea, quod Consiliarij anni praeteriti in electione Vicereactoris sequentis anni possint eligi. Consiliarij vero eiusdem anni possint in Rectorem sorte eligi, sed non in Vicereactorem. Qui autem Rector per quatuor menses fuerit, anno sequenti non possit inter reliquos Collagiales in Rectorem eligi.

Quod absens possit in Rectorem vel Consiliarum eligi. xxv.

¶ V O L V M V S etiam, & ordinamus, quod si forte aliquis collegialis absens fuerit, cum venia Rectoris, & consiliarium eligi possit in Rectorem, vel consiliarium, si infra octo dies á die electionis computandos reddierit. Sin autem, huiusmodi electio sit nulla, sequentique die alius eligatur. Sin autem pro negotijs Collegij absens fuerit, tanquam presens eligi possit, nec currat sibi tempus prefixum octo dierum, & donec reddierit vice Rector eius loco substituat. Quod etiá de consiliarium electione censeatur.

Pœna Rectoris delinquentis. xxvj.

¶ I T E M volumus, & ordinamus, quod si Rector in suo officio minus recte se gesserit. Quilibet Collegialium tale sentiens illud, consiliarijs manifestare teneatur, quod si eis visum fuerit tale delictum correctione indigere, dent operam, ut corrigatur eum admonendo: si autem emendari noluerit, accersitis omnibus collegialibus tale facinus in eorum cōsultationem ponant. Quod si omnes vel maior pars id expedire cognoverit, denuo prædictus Rector moneatur, ut infra conueniens tempus commissum dissolvere & emendare, & damna restituere procuret, quod si facere noluerit, ab officio priuetur, & alter eius loco sufficiatur supra dicto electionis ordine, in aliquo non mutato. Consiliarijs quoque in suo officio, ut antea permanentibus.

Quod futuro Rectori omnia dentur à prædecessore per inuentarium. xxvij.

¶ I T E M volumus, & ordinamus, quod Rector á die sue creationis infra octo dies primo sequentes, cum consiliarijs omnia bona Collegij à prædecessore relictæ scripta per inuentarium recipiat, quod á nouis Rectore, & consiliarijs subscriptum verum, & probatum in archa dicti Collegij perpetuo seruetur. Præteritus vero Rector, & Consiliarij rationem omnium expensarum ordinarij & extraordinarij infra alios duodecim dies sequentes nouis Rectori, & con-

Constitutiones.

filiarijs reddere teneatur. Quod si in ipso dicto termino inventarium facere neglexerint, moneantur ut sequenti triduo illud faciant. Si vero prætermisso triduo illud facere contempserint, ipso facto absque vlla spe à Collegio sint privati, quam priuationem Collegiales sub pœna præstiti iuramenti teneantur exequi. Si vero rationes dictarum expensarum infra dictum terminum, ut præmittitur, non reddiderint, per mensem à mensa Collegij absque alia remissione sint privati.

Quod Rector rationem expensarum accepturus sit. xxviiij.

QUITE M volumus, & ordinamus, quod Rector totius impensæ ordinariæ, vel extraordinariæ in Collegio faciendæ rationem in fine cuiuslibet septimane recipiat, vel vnus Consiliarius Rectore impedito. Quod si non fecerit, portione Dominicę sequentis priuetur. Et si hoc per dispensatorem extiterit, que minus habet, eandem portionem incurrat. Præterea quod Rector simul & consilij in fine cuiuslibet mensis à dispensatore, & extraordinarie expensarum ordinariarum, & extraordinariarum rationem accipiant, & à Receptore de eo, quod receperit in quolibet mense. Et volumus, quod Receptor reddituum nostri Collegij pecuniam à se receptam in rebus suis non consumat, nec etiam alteri cuiquam mutare audeat. Volumus insuper, quod idem Receptor intra diem naturalem Rectori, & consilarijs pecuniam in eodem pondere, & mensura, & eadem moneta, quam à locutoribus reddituum acceperit, reddere teneatur, ut dicti Rector, & consilij in archa collegij reponant. Pœna autem receptoris hanc nostram constitutionem transgredientis multa distributionem præsentis anni ei imponatur, & si sequens dies fluxerit receptore non solvente, nec rationem reddente pecuniæ à se receptæ, insignijs Collegialibus, & veste illius anni priuetur, & si tertius dies elapsi fuerit, priuetur omnino collegio. Has enim pœnas intelligendas fore censemus, quando eandem met

pecuniam per hostes hos dies retinuerit. Verum si pluries in hanc nostram constitutionem commisserit, eandem pœnam incurrat, & si semel vestitum, & insignia, & distributiones contumaci auferantur: Iterum delinquens in hanc nostram constitutionem, extimatione, valoreque vestis, & focalis rubei priuetur. Volumus præterea, quod Rector, & Consiliarij has pœnas, multasque in bonis Receptoris exequantur. Et si bona eius ad hoc non sufficerint, corpus eius carceribus, & vinculis astringi iubemus, quousque vere, & realiter persoluat. Et si Rector, & Consiliarij hanc executionem non fecerint: obnoxij obligatique sint Collegio in vitro quo foro, & debitum hoc tanquam proprium ab eis statim Collegiales exigant. Quod si dispensator maior, & extraordinarius in fine mensis ratione ab eis data aliquid eis in potestate sua de pecunij receptis remanserit, si duo millia marapetinorū, & amplius in se vnusquisque habeat, nullo modo eis pecunia detur, vsquequo eam, quam habent pecuniam in vsum Collegij conuerterint, quod si vltra duo millia marapetinorum quisque eorum in se habuerit, reddit a ratione illius mensis illam dictam summam realiter, & cum effectu persoluat, & si reddere noluerit, statim portione tota mense priuetur, quousque illam restituat. Volumus etiā, quod si per mensem persolvere noluerit, Rector, & Consiliarij, executionem in bonis suis faciant. Pœna autem, quam Rectorij, & consiliariis imponimus, erit eos obnoxios foro iudiciali tanquam principales debitores facere. Si vero Rector quolibet die a dispensatore rationem accipere noluerit eius arbitrio relinquatur, dispensator tamen maior a minore dispensatore quotidie rationem accipiat, quæ quidem ratio eiusdem Rectoris, vel Consiliarij, eam accipientis nomine subscripta sit.

De portionibus dandis.xxix.

QUITEM, Quoniam vbi est ordo, & certa viuendi norma ibi cuncta recte procedunt, statuimus quod vnicuique Collegialium tribuatur quotidie libra cum dimidia carnis arietis arbitrio Rectoris, pro prandio, & cœna diuidendæ. In

Constitutiones.

diebus autem ieiunij vel in quibus esus carniū prohibitus est, tantum in piscibus, vel ouis consumatur, quantum in carnibus expendendum fuit, possit tamen ultra hoc Rectoris, & Consiliariorum arbitrio moderati fructus ministrari: & quia principales anni festiuitates maiori iucunditate & lætitia celebrandæ sunt. Volumus, & mandamus, quod in diebus Natiuitatis Domini, Resurrectionis, & Pentecostes, & Epiphaniæ, & carnispriui, aues dentur Collegialibus, Purificationis tamen Domini, sancti Ioannis Baptistæ, & Corporis Christi, Assumptionis, & Natiuitatis & Conceptionis beatæ Mariæ, & sanctæ Crucis Septembris, & Maij, & omnium Sanctorum festiuitatibus, & in cæteris festiuitatibus, in quibus Missa cantatur (prout infra in alia nostra Constitutione continetur) aliquid ad portionem quotidianā augmentetur, iuxta Rectoris, & Cōsiliariorum arbitrium. Si vero aliquis ex deuotione ieiunium fecerit, debita illius diei portio sibi integra tribuatur. Qui vero ad Missam non venerit addito illius diei careat.

De vestitu & honestate Collegialium. xxx.

¶ I T E M volentes vestitui, & honestati Collegialium prouidere, Satuimus, & ordinamus, quod vnicuique Collegialium annuatim in die sancti Michaelis, clamis longa pāni Burielis Aragoniæ vulgariter nuncupati tribuatur, valoris sex regalium argenteorum cum dimidio, pro qualibet mensura, & dicta clamis stricte iuxta collarium applicetur fibulis quibusdam, quæ vulgariter corchetes nuncupantur, quod si secus fecerint, pœnam arbitrio Rectoris imponendam subire teneantur. Quod etiam ad familiares in dicta clausura volumus extendi. Præcipimus etiam vnicuique eorum insignia panni rubei cocinei mensuræ vnius tertij annuatim dari. Mandamusque quod in aliis indumentis honeste vestiantur, nec serico, aut colore panni inhonesto clericis à iure prohibito vtantur, nec calceis albis, vestibus tamen pellibus consutis licite vti possint, prouiso quod Collegiales sub pœna à Rectore imponenda veste sibi annuatim data, vti saltim tēporibus ab eo disponēdis cōpellantur.

De ludo illicito vitando. xxxi.

STATVIMVS insuper, quod nullus Collegialis in dicto nostro Collegio ad aleas, vel taxillos quouis modo ludere præsumat, quod si secus fecerit, periurium incurrat, & á portione Collegij per mensem priuetur. Permittimus tamen solatij, vel exercitij, gratia aliis ludis honestis moderate, ac congruis temporibus vti posse pecuniario ludo cessante super quibus conscientias Rectoris, & Cõsiliariorum oneramus.

De camera vacante. xxxij.

ITEM Statuimus, & ordinamus, quod quodocunque aliquam cameram vacare cõtigerint, siue per obitum, siue per dimissionem, vel complementum temporis constitutionum Collegij, siue alio quocunque modo sit optioni antiquiori Collegiali nullo habitu respectu ad officia, vtrum eã velit, nec ne, quod si eam noluerit, sit proximo antiquiori post illum, & sic seriatim á primo vsque ad vltimum, verum si duo pares antiquitate concurrat, gradu præditus præferatur si autem gradu equales fuerint, antiquior in gradu præferatur: quod si in omnibus pares concurrant, cui Rector, & Cõsiliarij simul, vel eorum maior pares voluerit, dicta camera consignetur. Volumus etiam quod si aliquis Collegialis extra Collegium profectus fuerit, in mādatis alicui Collegiali relinquat, quod si contingat aliquam cameram vacare, eam eligat, quæ ei iure venerit: quod si hoc non fecerit Rector illam cameram nomine absentis possit eligere: Si tamen alicui Collegiali absentius ad ipsam camerã sic vacantem competeret: Volumus, & declaramus, ipsum absentem antequam quid de huiusmodi camera discernatur, expectari, vel quempiam alium ipsam cameram si voluerit, & in mandatis habuerit eius loco recipere. Prohibemus tamen ne discedens á Collegio ferreum, vel ligneum, vel cuiuscunque materiæ fuerit, quod in eadem camera fabricauerit, secum exportare, aut vendere valeat: verum si ab vna in aliam cameram transierit, ea quæ sua impensa emit, se-

Constitutiones.

cum portare liceat, modo sit sine detrimento Collegij, quod iudicio Rectoris, & Consiliariorum, vel maioris partis eorū relinquatur, prouiso quod seram nec tabulam pro celo positas deducere possit.

Quod omnes in refectorio prandeant,
cœnent, & de conclusionibus facien-
dis. xxxij.

¶ I T E M Statuimus, quod Rector, & Consiliarij, & Collegiales prandium, & cœnam in Refectorio simul faciant, exceptis ijs, qui aliqua infirmitate laborauerint. Permittimus tamen quod tempore hyemis á festo sancti Lucae vsq; ad Pascha, prandiū, & cœnam in colina vna facere possint, si velint. Mandamus etiam, quod diebus á Pascha Dominice Resurrectionis vsque ad primam diem mensis Iunij omnes Collegiales hora decima prandeant, cœnam vero faciant hora sexta, & á die prima mensis Iunij vsque ad diem Assumptionis Virginis Mariæ prandeant hora nona, cœnā vero faciant hora quinta: & á die beatæ Mariæ de Agosto vsque ad sanctum Michaellem, prandium sit hora decima, cœna vero hora quinta post meridiem: á die vero sancti Michaelis vsque ad Quadragesimam prandium sit hora vndecima, cœna vero hora nona. Qui autē horis statutis cū alijs non conuenerint in mensa, præsenti prandio, aut cœna priuetur, prandiū vero taxetur sex marapetinis: cœna vero quatuor cū benedictione, & cōclusionione, nisi Rector cum aliquo ex iusta causa dispēsauerit, super quo conscientia eius oneramus. Quod si forte diebus festiuis tēpore prandij aliqui Collegiales in Sermonibus vel diuinis officijs occupati absentes extiterint: si maior pars, aut saltem sex Collegiales in Collegio fuerint, prandeant: absentes vero, & si expectati non debeāt, portione tamē non careāt. Prohibemus tamē & mādamus, quod omnes Collegiales in cibo, & potu sint equales, & conformes. Nec aliquis cibū, aut potū, aut epulas deliciores cōmunibus, vndecūq; habitas solus in mensa Collegialiū comedere, aut extra Collegiū prandere, aut cœnare cū aliquo possit absq; expressa licentia Rectoris, & aliqua causa rationabili interueniente. Prandio autem fi-

nitum vicissim arguant Collegiales, & conclusiones sub stantiant omnibus presentibus a die sancti Lucae, usque ad festum S. Iacobi mensis Iulij omnibus diebus præter festivos, nec quispiam eorum etiam ab huiusmodi mensa, priuatorum à conclusionem discedat, donec finita, & declarata fuerit. Volumus insuper quod si quispiam Collegialium conclusionem (prout ei forte venerit) non sustentauerit tribus diebus portione tota priuetur, iuncti vero in ingressu domus cuiuscunque facultatis sit, præterquam si Rector, aut mense lector fuerit, contra reliquos suæ professionis sustentantes conclusionem arguere teneatur, quod si facere hoc contempserit, tota portione illius die priuetur. Volumus præterea quod omnes Collegiales conclusioni elucidandæ intersint, si autem hoc facere neglexerint, portione solius prandij priuentur, præterquam si cum venia ad hoc expressa Rectoris abierint, & si euenerit quod sustentaturus conclusionem pridie quam proponat à Collegio discesserit, & post infra tres dies a die quo sustentare debeat, redierit: primam conclusionem, fulcire teneatur. Deinde vero conclusio ad suum ordinem reuertatur, & si hoc facere noluerit, portione trium dierum priuetur.

De secreto tenendo. xxxiiij.

¶ ITEM volumus, & ordinamus, quod Rector, consiliarij, ceterique Collegiales iuramentum præstent, quod omnia secreta ad dictum Collegium pertinentia inter secreta tenebunt, & seruabunt, nec alicui pendent, quod si secus fecerint periurij habeantur, & si reuelauerint secretum, capellæ in foro conscientiae, si non huiusmodi rei fuerit conuictus testibus, pro singulis secreti promulgationibus mille dispondios pro archa Collegij reddere teneantur, & si de hoc fuerit conuictus, a Collegio expellatur, excepto si alicui Collegiali, qui tunc temporis absens fuerit, reuelauerit, dicens illud esse secretum capellæ, idem ipse Collegialis obseruare sub eadem pœna teneantur, secretum autem intelligatur, quod Rector cōmendauerit.

Quod constituatur vnus procurator Collegij. xxxv.

Constitutiones.

¶ I T E M statuimus, quod Rector, & Consiliarij, & ceteri Collegiales simul congregati constituent procuratorem quem magis idoneum, & conducibiliorē Collegio cognouerint, qui procurator sub pœna priuationis Collegij officiū acceptet, & de eis, quę gesserit Rectori rationem reddat, qui ambo futuris Rectori, & consiliarijs coram omnibus Collegialibus denuo rationem reddant. Præterea si viderint expedire aliquem oppidanum secularem, vel clericum perpetuo, vel ad tempus, economum constituāt, & creent, qui reddituum fructuum, & prouentum Collegij curam, & gubernationem gerat: ceteraque extra, vel intra oppidum faciet, quæ ipso Collegio, & eius redditibus viderit magis conuenire, quodque possessiones, & redditus Collegij saltem semel in anno per Rectorem, vel aliquem Collegialem, aut procuratorem nomine Collegij visitentur, visitatio autem huiusmodi quoad possessiones (si eas in futurum habere Collegiū contigerit) intelligatur non ad ecclesiastica beneficia.

De tempore absentiae. xxxvj.

¶ I T E M volumus, & mandamus, quod si quispiam Collegialium volumptatis, vel exercitij gratia se à dicto nostro Collegio se absentare voluerit, liceat Rectori facultatem abeundi per duos menses tantum illi concedere, quibus elapsis si non reddierit, a Collegio priuatus existat, ex iustatamen, & legitima causa, quam discessurus veram, & necessariam, se credere iurauerit. Rector, & Consiliarij, vel maior eorum pars per alios duos menses ei facultatem abeundi faciant, prouiso quod Collegiales, qui per prædictos quatuor menses a Collegio semel absens fuerit: sequenti anno aliud quadrimestre, vel eius partem habere nequeat nisi in Collegio per continuum se mense à tempore finitę licetiae computandum permanferit. Decernimus tamen vt qui quadrimestre vnus anni potitus non fuerit, anno sequenti, præterito quadrimestri, vel eius parte gaudere non possit, verū si præfixo tempore non reddierit a Collegio, priuatus censeatur, prohibemus tamē ne eius loco quispiam sufficiatur, nec eius præbenda vaccare denuntietur infra viginti dies,

infra

infra quos si causam more necessariam per se vel aliū reddiderit cum eo benigne, & humane agatur, & in Collegio sine noua electione admittitur: si vero dictis viginti diebus elapsis causam more non ostenderit, nulla excusatio ei suffragari valeat, sed illico nouus collegialis eligatur. Annum vero a festo sancti Michaelis mensis Septembris connumerari volumus, & declaramus. Verum quia capellani minus discurrere debent, & magis sunt necessarii, si quando forte aliquis eorum a collegio propter necessitatem urgentem discessurus sit, alius eum expectare teneatur. Nec donec venerit aut alius eius loco substitutus fuerit a collegio dicere possit.

De benedictione mense. XXXvij.

Item Volumus, & ordinamus, quod omnibus diebus tam in prandio, quam in cœna per sacerdotem illa hebdomada diuina celebratem si fuerit, sin autē per aliū capellanū vel per Rectore fiat benedictio mense: quod si aliter dicti capellani fecerint, pro qualibet vice hebdomadario delinquenti multa vnius assis imponatur: assisem vero intelligimus illud, quod Hispani vn maravedi dicunt.

Quod in prandio & in cœna

semper legat vnus. XXXViii.

Item Volumus, & ordinamus, quod in refectorio dū prandium fecerint, vnus collegialium per hebdomadas (prout ei forte euenerit) Bibliam, in cœnando vitas patrum, siue Cantica canticorum, vel quempiam alium librū ad arbitrium Rectoris recitet, in quibus Rectorem tantum excipimus. Ordinamus præterea, quod he nostre constitutiones quater in anno legantur in cœna. A principio anni, & a Pascha Resurrectionis Dominice, & a festo sancti Ioannis Baptiste, & a die sancti Luce cum diebus immediate sequentibus, quo ad finiantur in refectorio omnibus collegialibus iunctis: quoque exemplar earum alterū in bibliotheca cum alijs libris legatum. Alterum vero in archa collegij clausum, reliquum vero in camera Rectoris ponatur.

Constitutiones.

De silencio obseruando in mensa. XXXIX.

¶ I T E M mandamus, & statuimus sub pœna à Rectore iniungenda, quod in refectorio dum prandium, aut cœnam fecerint silentium ab omnibus obseruetur, & hostiū sub clauē claudatur.

Quod vnusquisq; in camera sua dormiat. XL.

¶ I T E M Volumus & ordinamus, quod vnusquisq; in camera sibi assignata noctu dormiat, nec in alterius camera quiescere audeat, nisi valetudinis causa, ob quam visitaturus, aut visitandus sit, vel venia Rectoris, & consiliarum ex aliqua iusta causa, & honesta impetrata: super quo cōscientiis eorum oneramus: qui vero contrarium fecerit, pro prima vice a portione mensæ per sex dies priuetur, pro secunda duodecim dierum careat portione: pro tertia vero portione viginti & quatuor dierum omnino sit priuatus: & sic deinceps multiplicando.

Quod infirmo dentur necessaria Xlj.

¶ I T E M Volumus, & ordinamus, quod expensis collegij ministrentur necessaria infirmo collegiali, vel familiari pro arbitrio Rectoris, & consiliarium, vel maioris partis eorum, super quo eorum conscientias oneramus: si vero aliquem eorum decedere cōtingerit: Volumus medietatem expensarum in eius infirmitate sumptibus collegij factarum ex bonis defuncti, si habuerit vnde collegio solui debere. Precipimus insuper, quod si quispiā in lecto infirmitate laborans triduo iacuit, illico illo lapso omnia peccata sua pure confiteri: & si grauis, vel periculosa fuerit infirmitas, Eucharistiam (nisi sacerdos id vetuerit ex aliqua causa sibi in confessione nota) in forma ecclesiæ consueta recipere debeat: alioquin a portione collegij, donec id fecerit, ex tunc priuatus existat, quæ autem sit grauis infirmitas ad perceptionem Eucharistiæ iudicio medicorum relinquatur.

Quod pauperibus collegialibus & m-
 nutris in collegio decedentibus dentur nece-
 ssaria pro funere exequendo.

XLij.

¶ ITEM Cum in omnibus tum precipue in propinquo-
 res operibus misericordie vti debeamus. Precipimus
 & ordinamus, quod si collegiales, vel familiares in dicto
 nostro collegio e vita decedentes tanta paupertate labora-
 uerit, quod relictæ eorum bona exequendo funeri non suf-
 ficient, tunc ex bonis collegij omnia necessaria ipsis sepelien-
 dis, & funeri exequendo ministrentur.

Quod nullus præter collegiales dormire
 possit in collegio. XLiij

¶ ITEM Statuimus, & ordinamus, ac prohibemus ne
 quispiam præter collegiales, & collegij familiares in ip-
 so collegio dormire possit die, vel nocte, super quo Rectori
 dispensandi omnimodam potestatem denegamus.

Quod nullus collegialis noctu
 extra collegium dormiat. xliij.

¶ ITEM Statuimus, & ordinamus, quod nullus colle-
 gialis noctu extra collegiū dormiat, nisi ex legitima cau-
 sa, puta egritudinis obtenta prius veniat, Rectoris, & cōsi-
 liariorum: quod si quispiam contenderit secus pro primo ei
 ignoscatur: secundo vero pane, & aqua diē trāsire cogatur
 protentio vero absq; venia a collegio prorsus expellatur.

Hora receptus in Collegio. xlv.

¶ ITEM Volumus, & mandamus, quod eo tempore,
 quo in dicta nostra maiori ecclesia pulsatur ad orationem
 faciendam beatissimæ virginis Mariæ, omnes collegiales
 se in collegium recipiant. quo etiam tempore campanam
 collegij pulsari mandamus. quod si secus fecerint pro pri-

Constitutiones

ma, & secūda vice delinquenti ignoscatur. tertia vero a collegio priuatur. quod si aliquis confitiarum exequi recusaue-
rit, aut minus bene se gesserit. Rector, & confitarij cum
vno collegiali quem ad id elegerint, illud exequi possint.

¶ I T E M Volumus, in nostro collegio ianitorem semper
per diem ianuīs clausis temporibus opportunis adesse qui
curam hostij claudēdi habeat, ne quisquam in illis tempori-
bus aditum liberum in collegium inueniat.

¶ Q U O D omnes loquantur

Latine. xlvj

¶ I T E M Statuimus, & ordinamus: quod omnes collegia-
les, & familiares inter se per totum collegium, & eius
terminum loquatur. Latine sub pōna a Rectore imponen-
da, ad quod facilius exequendum accusator quolibet men-
se deputetur, etiam ad arbitrium Rectoris puniendus si se
in eo negligenter gesserit.

¶ Q U O D extra collegium nullus

exeat solus. xlvij

¶ I T E M Volumus, & ordinamus, quod quando aliquis
collegialis per oppidum ad aliqua negotia procuranda
extra collegium se contulerit: eat cum venia Rectoris, &
sit ei comes alius collegialis pręterquam si ad lectio-
nem iuerit ad scholas vel diebus Dominicis, vel alijs festi-
uitatibus ad missam, vel vesp̄as ecclesie maioris, vel par-
rochialis.

¶ D E murmure & strepitu. vi-

tando et puniendo. xlvij

¶ I T E M volumus, & mandamus, quod nullus collegia-
lium cuiuscunq; conditionis sit, strepitum, aut murmur
in refectorio aut colina faciat, etiam si ei integra portio nō
detur, potest tamen extra refectorium, aut colinam supplex
Rectori honeste conqueri, si vero secus fecerit sequenti die

ei panis, & aqua tantum pro ciboministretur, si vero contentio, aut tumultus inter Collegiales ortus fuerit, Rector quā primum illud placare studeat, postea vero delinquens a bi trariæ puniatur, & si se grauatum senserit, ad Consiliarios recurrat, si autem inter Rectorem & quempiam Collegialiū contentio oriatur, ipsi Consiliarij, vel duo eorum sub pœna ab eis iniuncta silentium imponant, ad quam tenendam, & obseruandam Rectorem, & alios arctari volumus. Qui vero inobediens fuerit, facta monitione portione cibi, & potus Collegij per mensem careat, Quod omnes Collegiales sub pœna præstiti iuramenti seruare, & exequi teneantur.

Quod honori alterius non detra- hatur. xlix.

¶ I T E M Statuimus, & prohibemus ne quispiam Collegialium intra, vel extra Collegium honori, famę, vel extimationi cuiuspiam sociorum detrahat, aliter faciens arbitrio Rectoris puniatur, super quo eius conscientiam oneramus & si sibi videatur, possit super hoc veritatem inter Collegiales inquirere.

De cathedra Collegi, & cursu. l.

¶ I T E M volumus, & ordinamus, quod in ipso Collegio vna cathedra constituatur, in qua sacre Theologiæ, vel iuri Canonico, & Ciuili, & Medicinæ operam dantes legant, & cursum faciant, & Rector, & Consiliarij duos Canonistas, duosque Theologos, vnum Legistam, Medicum vnum possint compellere, vt quisque in sua facultate profiteatur, & legat lectionem ordinariam: quod si moniti hoc facere neglexerint, a tota portione Collegij priuetur, quousq; quod per Rectorem, & Consiliarios eis mandatum est, effectu cõpleuerint. Si autem in hora legendi fuerint discordes, hora per Rectorem eis assignetur: ita quod modo vnus, modo alius (si plures fuerint) cursum peragere queât. Volumus etiam, & mandamus, quod nullus Collegialium (nisi in cathedra salariata, vel eius substitutione, vel pro salario) extra Colle-

Constitutiones.

gium legat. Si tamē plures cursantes fuerint, & in ipso Collegio omnes cursum peragere non possint, permittimus vt extra Collegium legant, & cursum faciant: prouiso quod sit optioni ipsius Rectoris, quos in cathedra Collegij, & quos extra collegium legere maluerit, & pro eius arbitrio discernatur, insuper decernimus omnes Collegiales minores in gradu ab ipso Collegiali cursante audire debere, quod si fecerint, facta eis monitione, ab ipso Collegio priuentur.

De forma opponendi cathedris, vel substitutionibus. Ij.

¶ I T E M statuimus, & ordinamus, quod quotiescunque in dicta Vniuersitate aliqua cathedra, vel substitutio vacauerit, & plures Collegiales ad eam se opponere voluerint: vnusquisque eorum lectionem inter Collegiales de materia sibi assignata per Rectorē facere teneatur. Posthac vero omnibus in Capella cōgregatis idē Rector ab eis iuramentum accipiat, quod nullus eorum odio, timore, gratia, vel fauore, seu alia quacūque causa, votū, seu suffragiū, præstabit alicui eorū, nisi ei quē secundum Deum, & bonā conscientiam ad dictam cathedram, siue substitutionem assequēdam sufficientiorem, & magis idoneum fore cognouerit. Quo sic præstito omnes per schedulas secretæ suffragia præstabunt, & cui maior pars adhæserit, ille solum ad dictā cathedram, siue substitutionem se opponere possit.

De Collegij libris non extrahendis. Iij.

¶ I T E M volumus, & expresse prohibemus sub pœna præstiti iuramenti ne libri ipsius Collegij cuiuslibet in Collegio, vel extra cōmodari possint ad trāscribendū, vel studendū, ne ve Collegialis librum ex bibliotheca in camera sua accipiat. Si quis vero aliter fecerit, primo & secundo ei ignoscatur, tertio vero extra Collegiū abire cogatur. Mādamus insuper clauēs virgarum ferrearū, quibus clauduntur libri reponi in archa dicti Collegij quatuor clauibus clausa.

De libris ferreis cathenis custodien-
dis. liij.

¶ I T E M volumus, & ordinamus, omnes libros, quos ipsi Collegio donauimus, aut donaucrimus, ferreis cathenis in bibliotheca ligari, nec inde auferri, vel alienis concedi posse: si vero aliquis Collegio alienus in bibliotheca legere, aut videre aliquid voluerit, sit ei semper comes stationarius, vel Collegialis ad incommoda vitanda. Volumus etiā, quod quilibet Collegialium penes se habeat vnā clauem bibliothecæ, & si cuiuspiam negligentia aditus bibliothecæ patuerit, eadem die a vino abstinere cogatur.

Quod Collegiales per oppidum cum
habitu incedant, liiij.

¶ I T E M volumus, & expresse prohibemus, ne quispiā Collegialium per oppidum, vel in locis ad quæ se extendit interdictum in dicto oppido Vallis oleti, & infra vnā leucam possit ire, & reddere in alio habitu decenti absque clamide, & insignis. Quod si secus fecerit, pro prima & secunda vice a vino abstineat, tertia vero a Collegio priuetur. Volumus tamē, quod si Collegiales in dicto oppido sermonem ad populū habuerint, liceat eis clericali albaveste indui & sine focali rubeo declamare.

Quod cameræ omnium semper
pateant Rectori. lv.

¶ I T E M ordinamus, & mandamus, quod si Rector cameram cuiuscunque Collegialis adire velit confestim illi si ne difficultate fores pareant: ita quod Rector omnia quæ in camera sunt possit respicere, quod si aliquis Collegialis resistere tentauerit, a Collegio priuetur.

Quod nullus Collegialis absens gaudere
possit portione Collegij. lvj.

¶ I T E M

Constitutiones.

¶ I T E M volumus, & mandamus, quod nullus Collegialis dum fuerit absens quacunque causa quantumcunque iusta quicquam portionis sibi debitæ percipiat, etiã si ad hoc Rectoris, & Consiliariorum expressus accedat consensus, quod si quicquam exceßerit tam ex portione absentiu, vel ex redditibus Collegij, vel alia quacunque causa, archæ Collegij sub pœna præstiti iuramenti accrescat.

Qua hora hostium claudendum sit. lviij.

¶ I T E M volumus, & ordinamus, quod hostium principale Collegij infra mediam horam postquam tempore Cõplectorij in dicto Collegio pulsatum fuerit, claudatur, postquam vero clausum fuerit, nemini, siue sit Rector, aut Consiliarius, siue Collegialis, siue alienus, & si grauissima causa vrgeretur, aperiatur, si vero quisquam Collegialium secus fecerit, ex prima pane, & aqua tantum pro victu die sequenti vtatur, ex secundo duplici pœna aficiatur: ex tertio autẽ á Collegio alienus existat. Rector vero in hoc delicto his deprehensus ab officio sit priuatus: tertio vero perseverans sine spẽ venie á Collegio expellatur. Quod si quempiam per fenestram, vel murum intrare, vel exire compertum sit, á Collegio priuatus existat: quod etiam in familiaribus exequendum censemus custodia vero ianuarum ad Rectorem, vel cui ille commisserit, id modo honestus & bonis moribus prædictus sit, pertineat, permittimus tamen, graui imminente morbo Collegialis, vel familiaris exigẽte necessitate ex consilio alterius Medicorum Collegij, & cum venia Rectoris hostium Collegij aperire posse, & non alias: super quorum conscientias oneramus.

De incumbentibus iure Canonico, & Ciuili. lviij.

¶ I T E M volumus, quod nullus iure Canonico incumbens, vltra triennium leges audiat duas lectiones tantum

audiens, & hoc postquam Bachalarius effectus sit. Si tamen aliquis Collegialis Rectori, & Consiliarijs sufficiens fuerit repertus: liceat eis per annum dispensare ad audiendum librum institutionum etiam ante Bachalariatum, si autem quispiam secus fecerit, pro arbitrio Rectoris, & Consiliariorum puniatur.

De archa communi. lix.

¶ I T E M statuimus, & ordinamus, quod in Capella Collegij collocetur quædam archa valida ad reponendum pecunias, & redditus, & instrumenta dicti Collegij cum quatuor clauibus, quarum vnâ Rector, & aliam quilibet consiliariorum penes se habeant, vt si inde quicquam ponendum fuerit, in præsentia omnium fiat.

De custodia ornamentorum Capellæ. lx.

¶ I T E M statuimus & ordinamus, quod penes Rectorem & Consiliarios mancant, & custodiantur ornamenta Capellæ Collegij pro festis solenniter celebrandis vtenda, vsui tamen quotidiano necessaria sint penes Capellanos.

De custodia frumenti. lxj.

¶ I T E M volumus, & mandamus, quod residuum frumenti ex redditibus Collegij facto domestico sumptu diligenter custodiatur, ita quod semper supersint in camera frumentaria saltem quingente mensuræ, quæ materno sermone dicuntur fanegæ, ad ea quæ possint accidere. Quod frumentum temporibus a commodatis personis aliquibus honestis & fidedignis mutuo dari, & in tempore reuocari possit, ne nimia vetustate tinea consumatur, quod Rectoris, & Consiliariorum prudentiæ demandamus dummodo vsura aliqua non interueniat.

Quod annuatim fiat memoriale
reddituum. lxij.

¶ I T E M

Constitutiones.

¶ I T E M volumus, & mandamus, quod factis, & conductis ad firmam, vel ad annuam pensionem redditibus dicti Collegij memoriale omnium reddituum singulis annis in archa Collegij reponatur, cuius exemplum in die sancti Ioannis Baptistæ recipiat illud visitatori daturus ad faciendam visitationem.

De custodia reddituum. Ixiiij.

¶ I T E M volumus, & mandamus, quod ex residuo reddituum Collegij domus, & edificia reparentur libri si necessarii fuerint, aliaque domui necessaria emantur.

De prouisione victus. &c. Ixiiij.

¶ I T E M statuimus, quod Rector, & Consiliarij tempore debito de victu, & vestitu alijsque rebus necessarijs provideant, quod si non fecerint, damnum, aut incommodum Collegio inde venturum per visitatorem soluere cogantur. Nec excusatio admittatur, si tempore prouisionis faciendæ pecunias in communi archa non habuerint. Nam dato quod non habeant, nos ex nunc eos ad pecuniam pro huius prouisione facienda ab amicis, aut aliunde super pignore usque ad futuros redditus quærendum arctari volumus, & mandamus.

¶ I T E M volumus, & expresse prohibemus, quod in nostro Collegio Collegiales nullo modo externos quoscunque expensis suis inuitent. Libationem tamen possint, quibuscunque voluerint dari.

¶ I T E M statuimus ne ijs rebus quæ in promptuarijs nostri Collegij ad vsum, prouisionemque reseruantur, puta panis, vinum, carnes, & huiusmodi alicui Collegiali, vt extra Collegium donet, aliquid vendatur. Possit tamen aliquid modicum panis, vel vini dari alicui infirmo arbitrio Rectoris & Consiliariorum.

De reparatione Collegij, & possessionum. lxv.

¶ I T E M

¶ I T E M volumus, & mandamus, quod Rector pro tempore existens videat ea, quæ reparatione ædificiorum collegij, & possessionum eius indigent. Et quando aliquid reparandum, vel de nouo ædificandum fuerit, vnus collegialium per hebdomadas (prout fors tulerit) de mandato Rectoris præsens existat. Ita tamen quod si de nouo aliquid ædificandum, vel fabricandum fuerit: fiat de consensu Rectoris, & consiliariorum, vel maioris partis eorum, & non alias.

De alienationibus. lxvj.

¶ I T E M si aliqua urgente necessitate vel euidenti utilitate, aut alijs de causis à iure permisis alienationes, vel permutationes faciendæ sint ex collegij bonis, circa hoc iuris communis dispositioni standum fore censemus, atque decernimus, prohibemus etiã quod bona redditus, aut pecuniæ collegij nequaquam commodato, aut mutuo extra collegium dari possint. Quod si forte aliqua superueniente necessitate, aut urgente causa id faciendum sit de consilio Rectoris, & consiliariorum fieri debeat, & tunc cū sufficienti pignore vel cautione, & non alias.

De numero seruitorum

Collegij. lxvij.

¶ I T E M volumus, & ordinamus, quod ad vsum, & seruitium Collegij totius recipiantur nouem seruitores. Prohibemus tamen, ne Rector, aut quispiam consiliariorum vel collegialium proprium seruitorem, vel infra quartum gradum consanguinitatis coniunctum habere possit. Ita quod familiaris Collegij non possit esse ille, qui moram traxerit cum aliquo Collegialium ante, vel post ingressum Collegij. Et inter istos seruitores vnus eorum sit dispensator, & alius coquus, cæteri ad seruitium commune deputentur. Permittimus tamen, quod si coquus scholaris non reperiatur, laicus in coquum assumatur intra, vel extra collegiũ (prout omnibus collegialibus visum fuerit).

dormiturus aut seruus officio coline, & alijs collegio necessarijs ematur.

De sacramentis communicandis. lxviij.

¶ I T E M statuimus & ordinamus, quod omnes collegiales, & collegij seruitores iuxta precepta ecclesie peccata sua confiteantur saltem bis in anno, scilicet in hebdomada sancta, & per hebdomadam ante festum Natiuitatis Domini sacramentum Eucharistie in capella dicti Collegij temporibus ab ecclesia statutis recipiant saltem die Resurrectionis Dominice, de quo Rector verum relatum habeat, & si quis premissa facere contempserit, nulla excusatio quantumcunque urgente admissa a collegio sine spe venie ejiciatur: vna tamen monitione ei coram Rectore, & consiliarijs prius facta: quod illico collegiales sub poena praestiti iuramenti exequi teneantur. Volumus etiam, quod si Collegiales ante Pascha Dominice Resurrectionis a Collegio discesserint, redeuntes infra quindecim dies Eucharistiam recipere teneantur in prima die Dominica post aduentum suum in capella dicti collegij.

De Horis dicendis, & de Commemoratione fundatoris. lxi.

¶ I T E M statuimus, & ordinamus, quod si quispiam eorum qui in dicto collegio extiterint, sacri ordinis caractere insignitus, aut aliquo beneficio ecclesiastico astrictus fuerit, horas canonicas perfectas dicere non praetermittat, quod si non fecerit, monitus a collegio priuetur. Volumus, & ordinamus, quod reliqui collegiales, effecti sacris ordinibus initiati, aut aliquo beneficio astricti non fuerint, horas defunctorum pro animabus parentum, & fratrum nostrorum, & post decessum pro nobis quotidie dicere teneantur: quod si secus fecerint, in foro conscientiae sint obligati ad restitutionem portionis illius die, in quo non recitauerint praedictas horas. In Missa vero in capella collegij celebranda commemoratio nostri quotidie fiat, quod si in Missa vna tantum ora-

tio dicenda sit, in eius fine dicetur, & famulum tuum Cardinalem hispaniæ huius Collegij fundatorem ab omni aduersitate custodi: post decessum vero nostrum (prout communiter pro Pontificibus fieri consuevit) commemoratio fiat nomine Pontificis, in nomine Cardinalis Hispaniæ mutato, quod si non fecerint, á Rectore arbitrarie puniantur.

Quod nullus habeat mulierem. lxx.

¶ I T E M statuimus, & ordinamus, quod si quispiam de gentium in dicto Collegio repertus sit aliquā concubinā in oppido Vallisoletano, vel extra publice, vel occulte habere. Si per indicia, & iuramentum trium, vel plurium testium in crimine deprehensus fuerit, aut cum aliquā in dicto oppido rem habere compertum sit, á collegio priuatus existat. Quod omnes collegiales sub pœna præstiti iuramenti illico exequi teneantur. Rectori autem inquisitionem huiusmodi criminis relinquimus.

¶ I T E M volumus, & expresse prohibemus, quod nullus collegialis mulierem cuiuscunque conditionis sit, in cubiculum suum sine venia Rectoris intromittat. Si autem illa ipso ignorante in cameram suam irruerit: collegialis nulla mora facta á cubiculo suo petiturus veniam á Rectore discedat, quod si hoc facere renuerit, pro singulis in hac Constitutionem commissis portione vnius diei careat.

Quod omnes semel in mense con-

ueniant. lxxj.

¶ I T E M volumus, & mandamus, quod semel in mense omnes Collegiales cum Rectore, & Consiliarijs in Capella Collegij, vel alio loco idoneo conueniant ad tractandum, cognoscendumque de redditibus, possessionibus, & reparationibus bonorum, & ædificiorum dicti Collegij, ita vt omnes sciant negotia, & bona Collegij, & eodem die Rector libros librariæ requirat, & á puluere excuti faciat.

Quod nullus portet arma lxxij.

Constitutionis.

¶ I T E M statuimus & ordinamus, quod nullus arma intra vel extra collegium portare presumat, nō impetrata venia Rectoris, & consiliiarium, super quo eorum conscientias operamus. Excepto si extra oppidum quispiam collegialis proficiscatur, quod si aliter fecerit, a portione collegij duorum mensium priuatus existat. Liceat tamen eis paruis gladijs ad scindendum panem, & carnes vti.

Pœna percutientis alium. lxxiij.

¶ I T E M statuimus, & ordinamus, quod si inter collegiales & capellanos, vel aliquos ex eis iurgia, contentiones vel discordiæ contingerit: ita vt manus violentas in se inuicem coniecerint: tunc Rector veritate comperta eum qui in culpa fuerit a collegij portione per mēse priuabit si autē vnus ligno, gladio, vel lapide alium cum effusione sanguinis percusserit, percussor a collegio priuatus existat: si ambo percusserint, quieorum in culpa fuerit, eiiciatur. si ambo peccauerint pariter eiiciantur: si vero quispiam gladiū, aut ensē, distringerit: nec ystra progressus fuerit, portione mensis careat, quod si aliter discordantes ad pacem, vel amicitiam inuicem reddere noluerint, cogi possint ad eam intendam, & si se difficiles præbuerint pro arbitrio Rectoris & consiliiariorum puniantur.

Ne quis Rectorem couicio afficiat. lxxiiij.

¶ I T E M statuimus, & prohibemus, ne collegialis quispiam aut seruitor dicti collegij verbo inhonesto turpi, vel aliquo couicio Rectorem suū afficiat. Siquis vero in præmissis deliquerit, in eum Rector pro arbitrio animaduertat nec recusat, aut appellatio ad consiliiarios ei in talicausu suffragari possit.

Quod in absentia Rectoris vel consiliiariorū alius sufficiatur. lxxv.

¶ I T E M volumus, & ordinamus, quod si Rectorem vel quempiam consiliarium ex aliqua legitima causa à collegio abire contingerit, eius loco seruatò ordine alius antè illius discessum sufficiatur: dummodo vltra quindecim dies licentiam acceperit. Si vero intra dictos quindecim dies licentiam acceperit, tunc antiquior consiliarius loco Rectoris subrogetur. Loco vero consiliarij nullus.

Quod Rector à Collegio non discedat, nisi reddita ratione. lxxvj.

¶ I T E M statuimus, & ordinamus, quod Rector tempore quo ad officium admissus fuerit, iuramentum præstet, se à collegium minime recessurum, nisi ratione expensarum, & omnium bonorum acceptorum prius reddita, vel sufficienti præstita cautione. Volumus præterea, fideiussorem Rectoris absentis insolidum teneri debitore principali non excusso, quod ad similes casus in alijs fideiussoribus extendi volumus, & mandamus.

Quod missus à Collegio victu contentetur. lxxvij.

¶ I T E M volumus, & mandamus, quod collegialis missus ad negotia collegij, transigenda victu tantum contētus existat nullo alio præmio ei præstito. Volumus ramen, neminem collegialiam, nisi pro re vera, certa, & existenti mitti debere.

Quid facturi sunt collegiales tempore pestis. lxxviii.

¶ I T E M statuimus, & ordinamus, quod si oppidum Vallisoletanum peste (quod Deus auertat) vel aliquo contagioso morbo laborare contingerit, ita vt inde mors communiter sequeretur, tunc collegiales, si eis, vel maiori parti visum fuerit, ab ipso collegio vltra tempus in alia nostra constitutione statutum discedere valeant, facta

Constitutiones.

prius á Rectore, & Consiliarijs, vel maiori eorum parte abeundi licentia. Prouiso quod semper in dicto Collegio maneant duo, vel tres Collegiales, & vnus Capellanus, & si forte contentio oriretur vtri essent discessuri, vel mansuri: Volumus hanc litem inter eos dirimi forte, ne causa sit succedendi Rectori, & Consiliarijs, vel eos odio, vel aliqua inobedientia persequendi. Ita tamen quod durante peste, vel huiusmodi morbo ipsa absentia vltra octo mensium spatium extendi non possit, abbreviari tamen possit cessante peste pro Rectoris, & Consiliariorum, & ipsorum Collegialium prudentia. Volumus etiam, quod si dicto tempore aliquis, vel aliqui collegiales absentes peregre profecti fuerint: qui tunc temporis in collegio habitauerint, pro absentibus fortes mittant. Quod si cuiusdam absentium fors custodiendi collegij euenerit: Rector, & consiliarij illos de aduentu suo in collegium certiores faciant monitione facta infra duos, vel tres dies discessuri, & ad tempus á Rectore, & consiliarijs assignatum reddere in collegium teneantur, quod si nō venerint, á Collegio absque spe omnino priuentur, nisi sint impediti impedimento, de quo habetur in alia nostra constitutione de tempore electionis Rectoris, & consiliariorū. Nolumus tamen, collegiales gaudere posse talibus annis tempore quadrimestre, (prout in alia nostra constitutione conceditur.) Quā quidem peste, vel morbo sedato. Tunc collegiales á tempore, quo id sciuerint, & per Rectorem, vel aliquem alium sibi notificatam fuerint, ad vnum mensem ad collegium reddere teneantur. Quod si nō fecerint, nulla excusatione quantumcunque legitima, vel iusta eis, vel alicui eorum suffragante á collegio sint priuati. Verum si Rector, & consiliarij abeundi facultatem ipsis collegialibus, vel alicui eorum facere voluerint: liceat eis tempore pestis, aut pestiferi morbi petitavenia á dicto collegio abire, & in tempore (vt præmittitur) reddere iacta prius forte vtri eorum profecturi, & permansuri sint.

De distributionibus quotidiana-

nis. lxxix.

¶ I T E M cum omnes Collegiales dicti nostri Collegij pauperes sint, nec Collegium aliis patere debeat, eorum inopie occurrendum censemus. Volumus itaque & mandamus, vt vltra elamidem, & insignia, & candelas, quæ omni anno habituri sint ex Collegio vnicuique Collegialium datur pro aliis necessitatibus subeundis mille marapetini monetę pro tempore currentis in regnis pro rata in fine cuiuslibet mensis vnicuique soluendi.

De cursu in lectione faciendo, & veste gradui debita. lxxx.

¶ I T E M volumus, & mandamus, quod Collegiales aliquo gradu sacrę Theologię, vel iuris Canonici, Ciuilis, vel Medicinę constitutus cursum statim facere, & legere in Theologia, vel iure Canonico, vel Ciuili, aut Medicina, sub pœna priuationis Collegij annuatim teneatur, vt digniorę gradũ assequi possit. Si tamen Artium, vel Legum habuerit gradum, & cursare, vel legere voluerit, id sibi pro eius arbitrio permittatur. Mandamus etiam quod si quis Collegialium Doctor, Magister, vel Licentiatus in quacumque facultate extiterit: tempore gradus recipiendi, vel actus publice subeundi, & in diebus solennibus vestibus honestis, & suo gradui, dignitatique conuenientibus vti possint. Alijs autem diebus habitum Collegialium non deferat.

De sessione Collegialium. lxxxj.

¶ I T E M statuimus, & ordinamus, quod in sessione Collegialium graduatus non graduato præferatur, & inter graduatos, qui maiori gradu est insignitus, puta Licentiatus Bachalario in reliquis vero antiquior in Collegio præter Rectorem, quem omnibus anteponendum censemus. Declaramus insuper, quod antiquior in Collegio cum ad parem gradum cum iuniore peruenerit, eidem, licet prius graduato in omnibus præferatur.

Visitator, & modus visitandi. lxxxij.

¶ I T E M statuimus & ordinamus in visitatorem dicti nostri Collegij vnā dignitatem, vel canonicum dictę nostre Ecclesię Collegialis Vallisoletanę per priorem & Capitulum pro tempore existentes eligendum præstito prius per eos inter se iuramento, quod omni post habito odio, gratia, amore, vel affectione, sufficientiorem, & vtiliorem Collegio eligent: huic tamen iuramento volumus, & expresse mandamus, vt duo Collegiales nostri Collegij ibi præsentēs existant qui quidem visitator pari forma iuramentum præstabit, quod personas, redditus possessiones, edificia, & bona Collegij visitauit expensarum rationem exiget, & si quid correctione, reparatione, vel satisfactione, indigere cognouerit: id præsentī Rectori in scriptis tradet, qui simul, & consiliarij ea, quę visitator circa prædicta iniunxerit executioni mandabunt: dictus quoque visitator cum primum officium suum exercuerit, iuramento in Capella nostri Collegij astringatur, quod nullo modo, nec verbo, nec signo, nec alio indicio, quę in visitatione sciuerit, manifestabit. Visitatio autem fiat sine tabellione. Volumus etiam, quod huiusmodi visitatio fiat posteaquam Rector esse desierit exhibita ipsius per eum futuro Rectori omnium ratione: & si forsam Capitulum vel electus ab eo semel monitū, siue monitus eligere, vel visitare neglexerit, Abbas ipsius Abbatie pro tempore existens, vel eius Prouisor huiusmodi visitationem faciant: cui sic electo visitatori facultatem, & potestatem concedimus corrigendi, emendandi, & mulandi intra Collegium personas Rectoris, & Consiliariorum, & Collegialium. Ita tamen, quod multa, siue pœna pecuniaria imposita delinquentibus nemini præterquam Collegio applicari possit. Quam quidem pœnam siue multā corporalem vel pecuniam reliqui Collegiales exequi teneantur: Quod si minus diligenter se gesserit, aut rebelles fuerint, in huiusmodi executione faciendā, a visitatore præmoniti a Collegio priuati existant. Visitatio autem a die sancti Michaelis vsque ad vltimum diem mensis Nouēbris celebretur quolibet anno. Volumus insuper, quod huiusmodi visitator pro suo salario ex redditibus Collegij quatuor solidos auri de Aragonia currentis monete annuatim per

cipiat. Cæterum si quispiam eorum, quos ad huiusmodi visitationem faciendam nominamus, ut præmittitur eam facere, & exequi tenuerit, aut (quod Deus auertat) maligne se in ea gesserit, aut odio vel gratia, ira, vel amicitia procedere visus fuerit, ita, ut ipsa visitatio Collegio perniosa potius, quam utilis futura sit, idque omnibus Collegialibus, vel duabus eorum partibus iuramento adactis manifestum fuerit: tunc eis unum presbyterum seculare, quem Archiepiscopus Toletanus intra oppidum duxerit eligendum, vel aliunde præstito prius iuramento, ut supra, in visitatorem, cum ante dicto salario recipi permittimus, prouiso quod talis presbyter, vel secularis ætatē annorum triginta excedat.

Depœna a visitatore imponenda. lxxxiiij.

¶ I T E M visitator dum visitationem fecerit, si compertum habuerit Rectorem, & consiliarios minus bene se gessisse: neque administrationem Collegij, & bonorum eius (ut eos decebat) debita exercuisse: mediante iustitia, damna, & detrimenta Collegij eum: qui in culpa fuerit refarcire cogat, vel alias pœna corporea afficiat, ut in constitutione visitationis continetur.

Quod collegialis nouiter receptus clamidē emere teneatur. lxxxiiij.

¶ D E C E R N I M V S etiam, quod quilibet Collegialis electus admissus in Collegio infra mensem postquam admissus fuerit sua impensa clamidem, & insignia emere cogatur, ut ad alios se cōformet, nec illis dissimilis videatur. Idem in familiaribus iubemus, scilicet quod suis impensis clamidem emere cogantur.

De Medico & Barbitonfore. lxxxv.

¶ S T A T V I M V S insuper, quod liceat Collegialibus habere Medicum salariatum extra Collegium, quem magis expedire viderint, qui vna cum Medicis dicti nostri

Constitutiones.

Collegij infirmorum curam gerat, cuius electio ad omnes Collegiales, vel eorum maiorem partem expectet. Quod etiam de Barbitonfore censemus faciendum.

De Missa certis diebus in Capella

Collegij cantanda. lxxxvj.

¶ **VOLVMVS** præterea, quod in diebus solennibus, scilicet Natiuitatis, resurrectionis, Penthecostes, & in solēnitatibus beatæ Virginis Mariæ, scilicet, Annuntiatione, Assumptione, Natiuitate, Conceptione, Expectatione, & Purificatione. Item in diebus Circuncisionis, Epiphaniæ, sancti Marci, Ascensionis, Sancte Crucis, Petri & Pauli, Ioānis Baptistæ, Beati Iacobi Zebedei, & in solēnitate omniū Sanctorum Missa in Capella nostri Collegij alta voce cante-
tur. Volumus etiam, quod collegialis qui ad audiendum Euangelium non venerit, dum diuina celebrantur, multa vnus assis ei imponatur. Et si cum corpus Dominicum adorandum ostenditur populo, non venerit: á vino illius prandij priuetur sine assis solutione. Præterquam si infirmitate grauetur, aut venia impetrata á Rectore, aut Lector ea hora in scholis fuerit.

Circa familiares. lxxxvij.

¶ **ITEM** statuimus, quod cum familiaris fuerit eligendus, præbendam infra viduum á die vacationis per Rectorem denūtiatur vacare cum certo dierum numero arbitrio Rectoris constituendo, ac etiam si visum fuerit prorogando infra quem volentes valeant se opponere, quo elapso præmissis tractatu in Capella dicti Collegij fiat electio secrete per schedulas.

**Reseruat quidquid fuerit addendum, vel
mutandum in constitutionibus. lxxxviii.**

¶ **ITEM** quouiam secundum varietatem temporū non nunquam statuta variantur humana. Volumus & statuimus

quod

quod si quicquam in his nostris Constitutionibus dubij, aut interpretationis emerferit, aut addendum mutandum, vel minuendum, seu amouendum fuerit. Nobis tantummodo referuari debere, nec per edictionem harum nostrarum Constitutionum nobis potestatem, aut facultatem adimi, addere aliquid, mutandi, amouendi, corrigendi, addendi, vel minuendi cum temporis necessitas, aut rerum qualitas id exegerit. Et quoniam nostre intentionis est mores scholarium in melius reformare non conscientias eorum prægaurare: scrupulosis animis laqueum remorsus adimentes. Volumus, & declaramus has nostras Constitutiones ad pœnā tantum temporalem, non ad peccatum quempiam obligare præter illas, quarum transgressio sine peccato esse non potest, aut si quis (quod Deus auertat) earum contemptor extiterit: exceptis hiis, in quibus expresse continentur hæc verba, quod obligent in foro conscientiae.

Constitutio Medicorum. lxxxix.

¶ VOLVMVS præterea, & Medicorum Collegialium studio, & quieti consulere, quod nullus Medicorum in nostro Collegio commorantium antequam Licētiatus, vel saltem Bachalarius repetitus in Medicina existat, infirmos curare, vel visitare per oppidum possit. Permittimus tamē, quod Collegiales, vel familiares dicti Collegij curare possit, & quod intra Collegium consilia, receptas, & regimina absque inspectione vrinarum reddere petentibus exteris queat. Postquam tamen Licentiatus, vel Bacchalarius repetitus in Medicina extiterit, si ad visitandum infirmos per oppidum incedat, quempiam Collegialium, comitem non habeat, præterquam alium Medicum, & si ad Collegiū (vt fit) vrine deportentur, non possit illas intra secundam portam domus aspicere, sed in pauimento anteriori Collegij, quod si secus fecerint, a Collegio priuatos esse censemus ipso facto, & in foro conscientiae ad omniū post dictam transgressionem perceptorum restitutionem teneri. Si quis vero Collegialium violatorem huius Constitutionis quouis modo cognouerit, illico Rectori, & Consiliarijs denuntia-

re teneatur, alias portione vnus anni etiam in foro consciē-
tiæ priuatus existat, & idem si talis ipsum Medicum ad visi-
tandum infirmos per oppidum committetur.

**Quod officiales Collegij vltra mille marape-
nos mutuo non recipiant.** xc.

¶ I T E M Statuimus, quod Rector, seu dispensator tam
ordinarius, quam extraordinarius eorum durante officio vl-
tra mille marapetos simul, vel successiue de pecunijs
Collegij mutuo non recipiant in proprios vsus. Quodque
si collegialis, siue officialis ante dictus, siue alius quicumq;
pecuniam aliquam collegio debuerit, infra duodecim dies
á creatione noui Rectoris illam soluere teneatur, quod si
non fecerit tandiu á mensa collegij priuatus existat, quoad
debitum in numerata pecunia integre persoluat.

**Si collegialis post clausum hostium venerit,
an liceat hostium aperiri.** xcj.

¶ I T E M statuimus, honestati collegialium cauentes,
quod si collegialis quispiam ab oppido, siue aliunde post
clausum collegij hostium venerit, ne vagandi per oppidum
ei detur occasio: liceat Rectori cum consiliarijs, vel eorum
alter hostium aperire, dum tamen altera trium noctium, de
quibus in alia nostra constitutione cauetur, eidem (vt præ-
mittitur) admissio debeat imputari.

**Pœna Collegialis contra mandatum Recto-
ris per vim portionem auferentis.** xcij.

¶ I T E M volumus, & statuimus, quod omnes collegia-
les Rectori obtemperent, pœnamque ab eo impositam fe-
rant patienter. Si quis verò huiusmodi pœnam, siue multā,
aut mense priuationem iusta tenorem nostrarum constitu-
tionum subire recusauerit, videlicet per vim portionem col-
legij arripiendo contra mandatum Rectoris, ipso facto á
collegio priuatus existat, quam priuationem collegiales

illico exequi teneantur.

¶ I T E M strepitum, & murmur collegij, & alia incommoda ex infra scriptis orientia vitare cupientes precipimus & expresse inhibemus, ne quispiam collegialium suam, aut cuiuspiam alterius malam per diem, nec noctem intra collegium, & eius clausuram ultra horam teneat, vel includat: Quod si fecerit, & ter monitus non desisterit, in ignis, & portione collegij per annum careat. Quod si denuo in eo deliquerit, pari pena puniatur: tertio vero, a collegio absque ulla spe venie expellatur.

¶ I N quorum omnium fidem presentes manu propria subscriptas nostro pendenti Pontificali sigillo, mandamus communi. Datis in ciuitate Guadalfatare nostræ Toletanæ diocesis, sub anno à Natiuitate Domini millesimo, quadringentesimo nonagesimo quarto, pridie Kalen. Septembris, sedente Romæ Alexandro diuina prouidentia Pontifice maximo, tertio Pontificatus sui anno. Presentibus ibidē Reuerendo Patre Domino Ioanne de Leon. Apostolicæ Sedis Prothonotario, Decano, & Canonico Toletano, Magistro domus, & Fernando del Castillo Canonico similiter Toletano, & Bartholomeo de Medina Camerarijs, ac continuis commensalibus, & familiaribus dicti Reuerendissimi Domini Cardinalis, nec non circumscriptis, & egregijs viris Alfonso Martini de Najera, & Petro Colina Doctoribus in Medicina, restibus ad editionem, concessionemque harum Constitutionum, & alia præmissa vocatis specialiter atque rogatis.

Statuta

iii. incisi

De presentibus ponderationis panis. iii.



In nomine Dei Patris,
& Filij, & Spiritus sancti. Quoniam
secundum fragilitatem humanam nulla le-
ge quantumcunque perfecta potest proui-
deri circa omnes casus futuros, & semper
est necessaria legū editio. Ideo nos Rector,
& Collegiales huius Collegij Sanctæ Cru-
cis volentes obuiare dispendis huius domus
& quieti Collegialium consulere sequentia
edidimus Statuta.

**Quod exterus non inuitetur in
Refectorio. Primum.**

¶ **PRIMO**, Igitur statuimus & ordinamus, quod nul-
lus exterus possit inuitari, vt prandeat in refectorio, nisi cō-
cors Collegialium accesserit consensus, id est maioris par-
tis Capituli.

Quod portio non respuatur. ij.

¶ **ITEM** statuimus, quod si portio fuerit delata pro ali-
quo Collegiali, nequeat sine rationabili causa ipsam res-
puere, nisi prædixisset dispensatori minori, quod nolebat
portionem pro illo die vel nocte.

**Quod portionarius præsit portionum
factioni. iij.**

¶ **ITEM** statuimus, quod portionarius collegialiste-
neatur quotidie interesse tam in aurora, quam in vesperi
ponderationi portionum ne Collegiales, vel Collegium pa-
tiantur aliquam iacturam.

De præsentia ponderationis panis. iiij.

¶ **ITEM**

STATUTA.

¶ ITEM Statuimus, quod collegialis curam gerens pro pane cocto teneatur adesse tempore, quo dispensator minor panem recipit á panifica, vt rationem exploret, & pondus panis, & an expediat recipere, vel dimittere cernat.

Quod ianua Collegij non aperiatur

ante lucem. v.

¶ ITEM statuimus, & ordinamus, quod ianua Collegij nūquam aperiatur, antequam claritas dici appareat, nisi forte aliquis Collegialium iusta, & rationabili causa compulsus aliud poscat: tum demum fiet impetrata venia a Rectore.

Quod nullus Collegialium ferat vestem

sericam. vij.

¶ ITEM statuimus, quod nullus collegialium possit asferre intra collegium toracem, vel alias vestes sericas, nisi per spacium vnus horæ antequam discedat, vel post aduentum, nisi forte reddierit vna hora ante noctis tenebras, vel in diebus solennibus á Constitutione permissis, vel quando collegialis gradum suscipit Doctoratus.

De veste pellicea. vij.

¶ ITEM statuimus, quod nullus egrediatur collegium indutus veste pellicea patentibus manicis, quam vulgo appellamus gamarro.

De sindaco habendo. viij.

¶ ITEM statuimus, vt collegium semper habeat deputatum syndicum exterum, qui gerat sollicitudinem rerum & causarum domus, & lites suscipiat, & forum adeat.

De pecunia Collegio debita. ix.

¶ ITEM

STATUTA.

¶ ITEM statuimus, & ordinamus, quod si aliquā scheda de cambio ad pecuniam collegij expectans detur receptori dicti Collegij: & intra viginti dies pecuniam nō recuperauerit, teneatur denuntiare illud Rectori, quod si secus fecerit, soluat pecuniam contentam in dicta scheda, aut quod superfuerit soluendum. Rector vero, & consilij, si infra prædictum terminum fuerint moniri, nec sindaco in iunxerint, vel intra alios decem dies mandauerint, vt pecuniam in scheda comprehensam recuperet, teneantur ad solutionem dictæ pecuniæ, quod si sindaco fuerit iniunctum, & sua culpa aut negligentia non recuperetur, syndicus teneatur ad solutionem.

De victu emendo in platea maiori. x.

¶ ITEM statuimus, & ordinamus, quod dispensator minor teneatur ire simul cū familiari hebdomadario ad emendum victui necessaria, illaque emant in platea maiori, nisi que minimo pretio sunt emenda, alioquin a Rectore puniatur, & quilibet collegialium sciens contrarium fieri, Rectori denuntiet.

De electione familiarium .xj.

¶ ITEM statuimus, quod familiares dicti Collegij ad annum tantum eligantur nullo excepto, etiam dispensatore minori: habeantque quolibet anno nomine salarij claudem burielis panni pretij centum marapetinorum pro quolibet mensura.

De clamide, & distributionibus familiaribus dandis. xij.

¶ ITEM statuimus, quod clamis detur die beati Michaelis dictis familiaribus. Ceteræ vero distributiones pro rata temporis.

De salario dispensatoris, & focarij. xij.

¶ ITEM

¶ I T E M Statuimus, quod dispensator minor, & coquus teneantur seruire Collegio per spacium quatuor mensium antequam detur illis aliqua portio nomine salarij, tunc tantum pro tempore præterito detur.

Quod familiares iurent Rectori. xiiij.

¶ I N S V P E R statuimus, quod omnes familiares iurēt de obediendo Rectori, & de secreto domus conseruādo circa ea, quæ viderint, aut audierint, aut quomodolibet sciuerint á Collegialibus fieri, alioquin sine spe veniæ expellantur á Collegio. Præstent præterea iuramentum, quod res domus custodiant fideliter, & si ab aliquo confamilari aliqua sciuerint donari, aut consummari, teneantur insinuare Rectori.

De familiarium profectu. xv.

¶ P R Æ T E R E A statuimus, quod prædicti familiares sint diligentes circa profectum lectionū, & studij, alioquin puniantur á Rectore. Et si viderit magnam fore eorū negligentiam, possit eos á Collegio expellere.

De licentia annua familiarium. xvj.

¶ I T E M statuimus, quod familiares possint habere quolibet anno duos menses absentia, si Rectori visum fuerit, sibi fore necessariū, vel vtile. Et si ultra prædictos duos menses voluerint abesse possit cum venia Rectoris, & cōsiliariorum urgente iustissima causa alium habere mensem.

De stationario decimum septimum.

¶ I T E M statuimus, quod stationarius teneatur quolibet die lectiuo stare in bibliotheca per spacium duarum horarum, vna immēdiāte ante prandium, alia post secundam horam post meridiē, alioquin portione illius diei priuetur.

In absentia Rectoris á quo petatur

venia absentandi. xvij.

STATUTA

¶ ITEM statuimus, quod quando aliquis Collegialis voluerit se absentare extra oppidum Vallisoletanum & Rector fuerit absens, ita quod non possit petere veniam ab eo: possit eam petere ab antiquiori consiliario. Et si ille abfuerit, a sequenti in gradu, & sic de vltioribus: & si omnes consiliarios abesse contigerit, praedictam veniam concedat antiquior Collegialis, & illo absente vltior, & sic de similibus.

Quomodo amittat Collegium absens. xix.

¶ ITEM statuimus, quod si alicui Collegiali detur venia certi temporis, dum tamen non sit totum tempus quatuor mensium, & vltima die non venerit: si tamen venerit sequenti die ante ianuam clausam non admittat Collegium.

De Collegiali se absentante. xx.

¶ ITEM statuimus, quod si aliquis Collegialis in totum discedat a Collegio, teneatur reddere integram rationem suae administrationis, si quam gessit cum sufficienti pignore vel fideiussore.

Dereponenda re Collegij in camera Rectoris. xxj.

¶ ITEM Statuimus, quod quandocunque Collegialis aliquam cappam vel balisiam domus, vel quid simile secutulerit, postquam domum reddierit infra vnum diem naturalem teneatur deponere in camera Rectoris, quod si secus fecerit, tamdiu portione mensae careat, donec cum effectu hoc adimpleat.

Quod exterus non ringrediatur durante clausura. xxij.

¶ IN SVPER statuimus, & ordinamus, quod nullus exterum etiam si sit Collegialis, vel familiaris, vel portonarius possit aliquo modo intromittere in domum ab ea hora,

qua pulsatum fuerit ad prandium vsque ad secundam horā post meridiem, nisi Rector dispensauerit, quod si familiaris eum intromiserit, acriter à Rectore puniatur, itidem fiat de ianitore, si eius in curia fuerit ingressus.

De pottionibus familiarium. xxij.

¶ ITEM Statuimus, quod familiaris, focarius, & dispensator habeant integras portiones, inter reliquos vero familiares vna minuatur hoc pacto, quod si sunt sex familiares, habeant quinque portiones: si sunt quinque familiares, habeant quatuor portiones: Si vero fuerint quatuor familiares, vel pauciores quilibet habeat integram portionem. In festiuitatibus vero quibus dantur aues collegialibus, dentur eis, sed tantum duobus familiaribus, sicut vni Collegiali.

De mensario, & coquo. xxiiij.

¶ ITEM statuimus, quod coquus, & mensarius teneantur quolibet mense reddere rationem Rectori, vel cui ipse commiserit, de eis, quorum curam gerunt.

De collatione in die ieiuniorum. xxv.

¶ PRÆTEREA statuimus, quod in diebus in quibus indicitur ieiunium ab ecclesia, non fiat collatio in estate vsque ad horam quintam, in hyeme vsque ad horam octauā.

Quo ordine familiares iter facere teneatur. xxvj.

¶ Item statuimus, quod familiares, qui ad itinera pro collegio facienda sunt deputati, pares dies in itinere consumere teneantur, ita quod qui paucioribus diebus pro collegio absens fuerit, primum iter agere teneatur, etiam si pluries iter fecerit, quousque alios in dicta absentia superet, vel fiat equalis, verum si plures eorum in absentijs pares reperti fuerint, arbitrio Rectoris, & consiliariorum, vel maioris partis eorum,

STATUTA

quis iter agere teneatur, relinquatur. Prouiso quod familia
ris nouiter receptus, primum iter agere teneatur, quo itine-
re peracto parcesseatur in absentia omnibus anterioribus,
& ne in computatione dictorum dierum error aliquis con-
tingat, Rector eorum absentias scribere teneatur, nisi aliud
eis visum fuerit.

De portionariis precibus non admit- tendis. xxvij.

¶ IN SUPER Statuimus, quod nullus scholaris admit-
tatur ad portionem Collegij precibus, aut cuiuspiam inter-
cessione, quod si contrarium actum fuerit, illa visum est inha-
bilis ad dictam portionem consequendam.

Quando paria sunt vota eligentium quid faciendum. xxviij.

¶ ITEM statuimus, quod quando in electione, quæ fit
Rectoris, & consiliariorum duo, vel plures collegiales fue-
rint equales in suffragijs, & inter eos sit omnimoda paritas,
eo quod Rector, & consiliarij omnibus adhaerint, vel nul-
li eorum, qui sunt in paritate suffragium præstiterint: tunc
antiquior Collegialis suum votum detegat, & cui ille adhe-
serit in sorte Rectoris assumatur, & si antiquior Collegialis
nulli, vel omnibus, qui sunt in paritate adhaerint, ita quod
semper pares remaneant: tunc sequens in gradu suum vo-
tum aperiat, & sic de cæteris: & idem in alijs electionibus
custodiatur.

Quid quando Rector vni, & Consiliarij alij suffragantur. xxix.

¶ QVONIAM circa electionem Rectoris ex constitu-
tione quæ circa eam loquitur, orta est inter Collegiales du-
bitatio, si forte suffragia eligentiũ ad duos pariter dirigan-
tur: & vni illorum duo sortis Rector cum vnico consilia-
rio, alteri vero tres consiliarij sua vota præstauerint, vter isto-
rum in electione Rectoris vendicandus est: statuimus illum
in Rectorem assummi debere, cui tres consiliarij adhae-
rint absque speciali declaratione votorum.

Menses licentiæ quomodo intelli-
guntur. xxx.

¶ PRÆTEREA statuimus, quod menses concessi per constitutionem tã pro absentia necessaria, quã voluntaria Collegialibus computentur hoc modo, quod primus mens habeat triginta dies, & vnum: secundus triginta, & sic de cæteris.

Quando panni emuntur viliori
pretio. xxxj.

¶ IN SVPER statuimus, quod si panni emuntur pretio viliori, quam constitutione cauetur, residuum pretij suppleatur collegialibus, quemadmodum e contra Collegiales coguntur restituere Collegio, si contingat fieri emptionem maiori pretio.

Quod graduandus non præstet
Doctoribus prandium. xxxij.

¶ PRÆTEREA statuimus, & ordinamus, quod nullus Collegialis tempore, quo ascendit ad gradum Licentiatum, vel Doctoratus, possit Doctoribus, Magistris, vel Licentiatum vniuersitatis prandium præstare (prout ante fieri solebat) quod si quispiam ausu temerario hoc statutum fuerit transgressus, absque vlla venie spe à Collegio expellatur, vt compositiones, quæ inter Collegium, & vniuersitatē fuerunt factæ, & omnia priuilegia tenatius obseruentur.

Collegialis debitor cautionem præ-
stet. xxxiij.

¶ STATVIMVS præterea, quod omnes Collegiales debitores Collegij ex quacūq; ratione, vel causa teneantur quolibet anno cautionem debitorum ponere in libro rationum domus, vel in alio libro ad hoc deputato, & nomini bus proprijs subscribere. Et si debitor principalis abfuerit, idē faciat fideiussor eius, cuius executio incūbat Rectori, &

S T A T V T A.

consiliarijs. Et Rector, & consiliarij nomina propria subscribant tanquam testes: quod quidem facere teneantur intra duodecim dies á die beati Michaelis, quo tempore debent domui debita persolui, quod si hoc nō fecerint, sequēti anno debita, quæ sic (vt præmittitur) scripta & subscripta non fuerint in rationibus reddendis minime recipiātur: quod si Collegialis hoc facere renuerit, amodo ei alimenta denegentur, ita quod nec expensis domus, nec proprijs vitæ necessaria percipiat, donec prædictam cautionem fecerit, & subscripserit, & insuper Rector consiliarij, & collegiales faciant executionem in bonis suis pro debito.

De graduato præferendo antiquiori non graduato. xxxiiij.

¶ IN SVPER Statuimus, quod quando contingerit, quod collegialis iunior in ingressu fuerit præditus maiori gradu, præferatur consiliario, vel antiquiori collegiali in sessione, suffragio, & subscriptione. Ita quod Constitutio lxxxij. de graduato præferendo non graduato verificetur in his tribus: in reliquis vero antiquior in ingressu præferatur insuper & in ingressu á domo ita quod sint quatuor casus, in quibus graduatus iunior præfertur antiquiori.

De electione Visitatoris. xxxv.

¶ PRÆTEREA statuimus, quod Visitator deputandus collegio ab ecclesia maiori non possit eligi vno anno post alium, quia ex hoc multa incommoda oriebantur collegio, & hoc ipsum constituit Capitulum dictæ ecclesiæ.

De insignito sacris ordinibus infamiliarem non eligendo. xxxvj.

¶ IN SVPER Statuimus, quod nullo sacro ordine insignitus possit admitti ad familiarium præbendā, quia indecorum est, quod mancipatus diuino obsequio compellatur officijs domus deservire, & si iam familiaris constitu-

STATUTA

tus sacrum ordinem consecutus est, postquam prouiso illius anni sic finita, denuo non possit ad dictum officiū familiaris admitti.

De oppositionibus ad cathedram. xxxvij.

¶ PRÆTEREA statuimus, quod nullus Collegialiū præsentium, vel futurorum ausus sit se opponere ad cathedram, vel substitutionem in hanc Vniuersitate vacantem ante, vel post electionem capellæ si plures contēderint: nisi is, quem capella elegerit. Contrarium vero faciens ipso facto á Collegio prinatus existat absque vlla spe venie.

Locus originis quomodo intelligitur. xxxviij.

¶ INSUPER statuimus, quod septimā Constitutio disponens quod ex vna ciuitate, & loco vnus: ex vna diocesi duo tantū excepta diocesi Toletana, ex qua tres collegiales possunt admitti simul, attēto quod locus in quo aliquis ortus fuerit á loco originis alterius quatuor leucis saltē distet. Statuimus autem quod dicta constitutio intelligatur, & practicetur, quod locus originis intelligatur dummodo non sit per transitum natus alibi, quam ubi pater habet domicilium.

Quod Rector non faciat Capellam extraordinariam. xxxix.

¶ INSUPER statuimus, quod Rector vltra ordinarias capellas nullam possit facere capellam nisi de consensu cōsiliariorum vel maioris partis eorum, & si contrarium fecerit: capellæ actus sit nullus.

Quomodo terminus præbendarum claudatur. xl.

¶ PRÆTEREA Statuimus, & ordinamus, quod terminus præbendarum vacantium, nec claudi, nec finiri pos-

fit, nisi prius oppositorum informationes seu inquisitiones in cappella legantur, & de habilitate oppositorum discutiantur, taliter quod declarentur, qui sunt habiles, quo cognito Collegiales possint sua vota præstare pro conclusione, vel prorogatione præbendæ: & si aliter fieri contingat, id pro nullo habeatur, & præbenda habeatur pro prorogata per alios viginti dies, & hoc observari volumus, quoties huius statuti tenor fuerit prætermisus.

Quod familiares sex annis tantum
possit elegi. xli.

¶ **R V R S V S** Statuimus, quod familiares non possint eligi, nisi per sex annos, nisi omnibus collegialibus aliud visum fuerit. Si enim post sex annos impletos omnes Collegiales nemine discrepante conveniant, visa familiaris virtute decernimus pro eo schedulas dari.

Semel Rector infra biduum, &c. quomodo
intelligitur. xlii.

¶ **P R Æ T E R E A** statuimus, & ordinamus, quod Constitutio xxiiij. quæ disponit, quod Rector electus finito officio non possit iterum eligi, nisi duobus annis elapsis, quod eodem modo non possit eligi in vice Rectorem, nisi dictis duobus annis elapsis, sed si fuerit secundo anno consiliarius antiquior possit per quindecim dies esse vice Rector secundum Constitutionis tenorem.

Quomodo acquiruntur clamis,
& insignia. xliij.

¶ **I T E M** Statuimus, quod Collegialis, qui in die beati Michaelis abfuerit electioni Rectoris, & consiliariorum, antequam Rector nominetur, careat veste, & focali. Si vero ante Rectoris nominationem venerit, & post nominationem quatuor electorum, veste, & focali non careat: suffragium tamen præstare non possit, nisi venerit ante illorum quatuor nominationem.

Dies in Constitutione qualiter intel-
liguntur. xliiij.

¶ **I T E M**

¶ I T E M quia Constitutio xxxvj. quæ de tempore absentia loquitur, disponit, quod elapso tempore concesso absentia voluntaria, vel necessaria, si non reddierit collegialis à Collegio priuatus existat: & quoniam in dicta Constitutione non declaratur, qualiter dies dictæ absentia computetur: ideo dictam Constitutionem declarando ordinamus, quod quælibet nox cum die sequenti pro vno die computetur. Et ideo si elapsis sexaginta noctibus absentia voluntaria, vel centum & viginti noctibus absentia necessaria, in die sequenti antequam hostium Collegij claudatur, venerit collegialis, in termino venisse intelligitur, unde à Collegio non erit priuatus. Et hæc computatio, vt quælibet nox cum die sequenti pro vno die habeatur, volumus quod fiat in quolibet absentia collegij, siue sit pro negotijs domus, siue alio quouis modo.

Quid si intra terminum sibi concessum non reddierit Collegialis. xlv.

¶ I N S V P E R quia dicta constitutio. xxxvj. tantum loquitur quando Collegialis petijt absentiam voluntariam, vel necessariam integram: quia tunc si non reddierit in termino, amittit collegium, & est ratio, quia nec potuerunt petere, nec sibi potuit cōcedi maior terminus. Sed vbi collegiali petenti, vel pro negotijs domus misso minor terminus fuit concessus, quam ipse potuisset petere: nec in dicto termino reddierit. Et quia dicta constitutio non declarat, & posset dubitari si sine iusta causa non venit, an statim priuetur à collegio. Ideo statuimus, & ordinamus, quod elapso dicto termino possit vti tribus noctibus, quæ collegialibus conceduntur per constitutionem. xliij. & sic remedium illius quadragesimæ quartæ Constitutionis non auferatur, imo potius eo vtatur.

A graduato Collegiali quid graduando

remittendum sit. xlvj.

¶ P R Æ T E R E A statuimus, & ordinamus, quod quando aliquis Collegialis gradu licentiæ Doctoratus, vel Magisterij susceperit: Doctores & Magistri actu Collegiales

existentes teneantur tali licentiando, doctorando, vel magistrando remittere aureum, qui vulgariter Castellanus dicitur quem ut doctore, vel Magistro talis graduandus, solvere tenebatur. Alia vero iura quaecunque illa sint, siue in predictis gradibus licentiae, doctoratus, vel magisterij, siue in alijs quibuscunque actibus scholasticis predictis Doctoribus, vel Magistris in Collegio existentibus, ut alijs quibuscunque persoluantur.

De termino prouisionis praeendarum vacantium, ac prorogationis eius. xlvij.

¶ PRÆTEREA, statuimus, & ordinamus, ne cui praeendarum prouisio contra constitutionis mentem differatur, quod quam primum praebenda aliqua vacare contigerit, protinus denuntietur publice in scholis huius universitatis, ac Salman. cum assignatione termini viginti dierum in Constitutione contentorum, quibus elapsis, si visum fuerit, secundo praebendam per noua edicta in dictis universitatibus vacare denuntietur cum assignatione termini trium mensium, & in edictis expresse caueatur, quod volentes, & debet se opponere intra predictum terminum hoc faciant. Quo quidem termino elapso praebendae prouisio ad oppositorum informationes tantum faciendas, & in capella legedas per alios tres menses prorogetur. In quibus ultimis tribus mensibus nequaquam cuiusquam oppositoris admittatur oppositio, praeterquam si visum fuerit omnibus collegialibus, vel saltem duabus eorum partibus ternario numero diuidendis. Quibus elapsis, infra decem dies sequentes omni spreta contradictione fiat electio iusta Constitutionis tenorem.

Declaratio Constitutionis quartae.

¶ ITEM quia ex Constitutione quarta, quae disponit, quod electus antequam admittatur, iuramentum praestet se non habere in redditibus, ex beneficio, vel patrimonio, vel similibus ex utroque summam viginti quinque florenorum, & si tempore quo in dicto Collegio futurus est, ultra dictam summam sibi accessio fiat, Rector, & Collegialibus manifestabit. Et si ultra dictam summam repertus fuerit habere, ip-

so iure ad restitutionem teneatur Collegio faciendam. ¶ Aliqua oriebantur dubia: declaramus primo, quod Collegialis non teneatur exiri á Collegio propter quoscunque redditus sibi obuenientes. ¶ Secundo, quod teneatur ad restitutionem faciendam Collegio eorum, quę occasione ipsius Collegium expendit, alias non consumpturum. ¶ Tercio, quod moderatio sumptuū relinquatur dispositioni Rectoris, & Collegialium: quam moderationem teneantur facere infra mensem á creatione Rectoris. Executio vero fiat post festum sancti Michaelis (vt aliorum debitorū mos est) & vt negotio, vel aliquorum indignationi non relinquatur locus: fiat dicta muneratio in Capella excluso eo, quem negotium tangit (vt moris est) & sub pœna præstiti iuramenti astringantur Collegiales, quod nullius suffragium reuelabitur. Declaramus etiam, quod pro rata temporis de prædicta moderatione sumptuum deducantur dies, quibus illo anno Collegialis fuerit absens, siue pro negotijs proprijs, siue domus. Item si dictus Collegialis mallit reddere suos redditus, quos habet ultra viginti quinque florenos, quam pacti dictam moderationem, quod possit hoc facere & hoc anno á Natiuitate Domini Millesimo Quingentesimo Quadragésimo secundo fuerunt taxati prædicti sumptus pro anno præterito nouem mille nummis, seu maropetinis.

Ex constitutione. xvij.

¶ I T E M quia ex constitutione. xvij. quæ vult, quod si contigerit Collegialem ultimo anno sui exitus á Collegio in Rectorem, seu consiliarium eligi, permaneat vsque ad finem anni, quo finito, & ratione officij reddita á Collegio absolutus existat. Dubium fuit, quæ ratio, & intra quod tēpus dicatur reddita. Declaramus inuentarij, ordinarij, & extraordinarij, omniumque expensarum rationem fore reddendam quam intra viginti dies á creatione noui Rectoris expedire oportet, vt in Constitutione vigesima septima continetur. Et tunc Collegialem esse á Collegio absolutū.

Extensio Constitutionis. lj.

¶ I T E M

¶ I T E M statuimus, & ordinamus, quod quotiescunque canonicatus, dignitas, seu quodlibet aliud beneficium vacare contigerit, quæ Doctoribus, Magistris, seu Licentiatibus per viam oppositionis solent provideri: electio oppositoris fiat iuxta formam traditam per Constitutionem. l. j. & statutum. xxxvij. in oppositionibus cathedrarum: hoc excepto, quod si plures contenderint super oppositione, in præsentia Collegialium legere non teneantur, eo quod nota soleat esse apud alios vniuscuiusque Collegialis sufficiencia. Illud etiam addendum sensuimus quieti, & libertate Collegialium cōsultentes, vt nullus Collegialis alium Collegialem precibus, subornationibus, vel alio quouis modo sollicitare valeat, vt sibi, vel alij votum, seu suffragiū præstet. Contrarium vero faciens, pœnam illam incurrat, quæ violatoribus xv. Constitutionis posita est in clausula ceterum. Permittimus tamen, quod super oppositione cōtendentes in præsentia Collegialium in Capella existentium possint, si velint, ea, quæ iustitiam suam circa oppositionē instruit, breuiter enarrare, alio siue alijs contendentibus exclusis, quibus similiter extra Capellam eiectis, fiat electio oppositoris iuxta formam in Constitutione traditam. Ita tamen quod nullus Collegialis ea, quæ circa electionem oppositoris acta fuerint in Capella, vel numerum votorum alicui ex contendentibus, vel alij cuiunque manifestare quouis modo præsumat, & ad hoc tanquam secretum Capellæ observandum Collegialis astringi volumus, etiam si per Rectorem inditum non sit. Factum fuit hoc Statutum Anno à Natiuitate Domini Millesimo Quingentesimo Quadragesimo Quinto. Decima quarta die mensis Ianuarij, vt exactis Capellæ apparet.

Extensio Constitutionis. l. j.